

26 февраля. Четверг 1-й недели Великого поста.

Прп. Мартини́ан Кесарийский

Утренняя (приходская)

Священник, начиная каждое у престола:

Благословен Бог наш, всегда, ныне и присно и во веки веков.

Чтец: Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святый Боже, Святый Крепкий, Святый Безсмертный, помилуй нас. **(Трижды).**

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй, **(Трижды).**

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство и сила и Слава Отца и Сына и Святого Духа, ныне и присно и во веки веков.

Чтец: Аминь.

Господи, помилуй, **(12 раз)**

Слава Отцу и Сыну и Святому Духу, и ныне и присно и во веки веков. Аминь.

26 февраля. Четверг 1-й недели Великого поста. Прп. Мартини́ан Кесарийский

Чтец читает двупсалмие; в это время священник совершает полное каждение храма.

Псалом 19

Услы́шит тя Госпо́дь в день печа́ли, защи́тит тя и́мя Бо́га Иа́ковля. По́слет ти по́мощь от Свята́го и от Си́она засту́пит тя. Помяне́т всяку́ жёртву твою́, и всесо́жжение твоё ту́чно бу́ди. Даст ти Госпо́дь по се́рдцу твоёму́ и весь сове́т твой испо́лнит. Возра́дуемся о спасе́нии твоём и во и́мя Го́спода Бо́га на́шего возвели́чимся. Испо́лнит Госпо́дь вся проше́ния твоя́. Ны́не позна́х, яко́ спасе́ Госпо́дь христа́ Своего́, услы́шит его́ с Небесе́ Свята́го Своего́, в си́лах спасе́ние десни́цы Его́. Си́и на колесни́цах и си́и на ко́нех, мы же во и́мя Го́спода Бо́га на́шего призове́м. Ти́и спя́ти бы́ша и падо́ша, мы же воста́хом и испра́вихомся. Го́споди, спаси́ царя́ и услы́ши ны, во́ньже а́ще день призове́м Тя.

Псалом 20

Го́споди, си́лою Твое́ю возвесели́тся царь и о спасе́нии Твоём возра́дуется зело́. Желáние се́рдца его́ дал еси́ ему́, и хоте́ния устну́ его́ неси́ лиш́ил его́. Яко́ предвари́л еси́ его́ благослове́нием благосты́нным, положи́л еси́ на главё́ его́ вене́ц от ка́мене че́стна. Живота́ проси́л есть у Тебе́, и дал еси́ ему́ долготу́ дний во век ве́ка. Ве́лия сла́ва его́ спасе́нием Твоём, сла́ву и велеле́пие возложи́ши на него́. Яко́ да́си ему́ благослове́ние во век ве́ка, возвесели́ши его́ ра́достью с лице́м Твоём. Яко́ царь упова́ет на Го́спода, и ми́лостью Вы́шняго не подви́жится. Да обря́щется рука́ Твоя́ всем враго́м Твоём, десни́ца Твоя́ да обря́щует вся ненави́дящая Тебе́. Яко́ положи́ши их, яко́ печь о́гненную во вре́мя лица́ Твоего́; Госпо́дь гнёвом Своём смяте́т я, и снес́т их огонь. Плод их от земли́ погуби́ши, и се́мя их от сыно́в челове́ческих. Яко́ уклони́ша на Тя зла́я, помы́слиша сове́ты, ихже не возмо́гут соста́вити. Яко́ положи́ши я хребёт, во избы́тцех Твои́х уго́товиши лице́ их. Вознеси́ся, Го́споди, си́лою Твое́ю, воспоём и поём си́лы Твоя́.

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

Святы́й Бо́же, Святы́й Кре́пкий, Святы́й Безсме́ртный, поми́луй нас (*трижды*).

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

26 февраля. Четверг 1-й недели Великого поста. Прп. Мартина́н Кесарийский

Пресвята́я Трѳице, помѳлуй нас; Го́споди, очѳсти грехѳ на́ша; Владѳико, прости́ беззако́ния на́ша; Святы́й, посети́ и исцели́ немо́щи на́ша, ѳмене Твоего́ ра́ди.

Го́споди, помѳлуй *(трижды)*.

Сла́ва Отцу́, и Сы́ну, и Свято́му Ду́ху, и ны́не, и прѳсно, и во ве́ки веко́в. Ами́нь.

Отче наш, Иже еси́ на Небесѳх! Да святѳтся ѳмя Твое́, да приѳдет Цѳрствие Твое́, да бу́дет во́ля Твоя́, я́ко на Небесѳ, и на землѳ. Хлеб наш насущный даждь нам днесь; и остави́ нам до́лги на́ша, я́коже и мы оставляем должникомѳ на́шим; и не введѳ нас во искуше́ние, но изба́ви нас от лука́ваго.

Священник: Я́ко Твое́ есть Цѳрство и си́ла, и сла́ва, Отца́, и Сы́на, и Свята́го Ду́ха, ны́не и прѳсно, и во ве́ки веко́в.

Чтец: Ами́нь.

Чтец: Спасѳ, Го́споди, лю́ди Твоя́ и благослови́ достоя́ние Твое́: победы́ на сопроти́вныя да́руя, и Твое́ сохраняя́ Крестомѳ Твоѳм жи́тельство.

Сла́ва Отцу́ и Сы́ну и Свято́му Ду́ху.

Вознесѳйся на Крест во́лею, тезоименѳтому Твоему́ но́вому жи́тельству щедро́ты Твоя́ да́руй, Христе́ Бо́же; возвесели́ нас си́лою Твоею́, победы́ да́я нам на сопоста́ты, посо́бие имущим Твое́ ору́жие ми́ра – непобе́димую победу́.

И ны́не и прѳсно и во ве́ки веко́в. Ами́нь.

Предста́тельство стра́шное и непостѳдное, не прѳзри, Благѳя, моли́тв на́ших, Всепѳтая Богоро́дице; утверди́ правосла́вных жи́тельство, спасѳ ве́рныя лю́ди Твоя́ и пода́ждь им с Небесѳ победы́; занѳ родила́ еси́ Бо́га, еди́на Благословѳнная.

Ектенія сугубая

Священник: Помѳлуй нас, Бо́же, по вели́цей ми́лости Твоеѳй, молим Ти ся, услыши и помилуй.

Лик: Го́споди, помѳлуй *(трижды)*.

Священник: Ещѳ мо́лимся о Вели́ком Госпо́дине и отце́ на́шем, Святе́йшем Патри́архе Кири́лле, и о всей во Христе́ бра́тии на́шей.

Лик: Го́споди, помѳлуй *(трижды)*.

26 февраля. Четверг 1-й недели Великого поста. Прп. Мартини́ан Кесарийский

Священник: Ещё мо́лимся о Богохранímeй странé нашей, властéх и во́инстве ея́, да т́хое и безмо́льное жити́е поживём во вся́ком благочéстии и чистотé.

Лик: Го́споди, помíлуй (*трижды*).

Священник: Ещё мо́лимся за всю бра́тию и за вся христиа́ны.

Лик: Го́споди, помíлуй (*трижды*).

Священник: Яко Мíлостив и Человеколю́бец Бог еси́, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и прíсно и во ве́ки веко́в.

Лик: Ами́нь. **Именем Госпо́дним благослови́, о́тче.**

Священник: Сла́ва Святéй, и Единосу́щней, и Животворя́щей, и Неразде́льной Трои́це всегда́, ны́не и прíсно и во ве́ки веко́в.

Лик: Ами́нь.

Шестопсалмие

И начинаем шестопсалмие, слушая со всяким молчанием и умилением; читающий же брат с благоговением и страхом Божиим произносит:

Чтец: Слава в в́шних Бо́гу, и на земл́и мир, в челове́цах благово́ление. (*Трижды*)

Го́споди, устне́ мой отвéрзеши, и уста́ моя́ возвестя́т хвалу́ Твою́. (*Дважды*)

Псалом 3

Го́споди, что ся умно́жиша стужа́ющие ми? Мнóзи воста́ют на мя, мнóзи глаго́лют души́ моёй: несть спасéния е́му в Бо́зе егó. Ты же, Го́споди, Засту́пник мой еси́, сла́ва моя́ и вознося́й главу́ мою́. Гла́сом моим ко Го́споду воззва́х, и услы́ша мя от горы́ святы́я Своея́. Аз усну́х, и спях, воста́х, я́ко Госпо́дь заступит мя. Не убо́юся от тем людéй, óкрест напа́дающих на мя. Воскресни́, Го́споди, спаси́ мя, Бо́же мой, я́ко Ты порази́л еси́ вся враждующы́я ми всу́е: зу́бы грéшников сокруши́л еси́. Госпо́дне есть спасéние, и на лю́дех Твои́х благословéние Твоё.

Аз усну́х и спях; воста́х, я́ко Госпо́дь заступит мя.

Псалом 37

Го́споди, да не я́ростию Твоею́ обличи́ши мене́, ниже́ гнёвом Твои́м нака́жеша мене́. Я́ко стрéлы Твоя́ унзо́ша во мне, и утверди́л еси́ на мне ру́ку Твою́. Несть исцелéния в плóти моёй от лица́ гнёва Твоегó, несть ми́ра в

костѣх мо́их от лица́ грех мо́их. Яко беззаконія моя превзыдо́ша главѹ мою́, яко бремя́ тяжкое отяготѣша на мене. Возсмердѣша и согни́ша раны́ моя от лица́ безумія моего́. Пострада́х и сляко́хся до конца́, весь день се́туя хождáх. Яко лядвия́ моя напо́лнися поругáний, и несть исцелѣ́ния в плóти мое́й. Озло́блен бых и смири́хся до зела́, рыка́х от възды́хання сѣрдца моего́. Гóсподи, пред Тобóю все желáние моё и въздыхáние моё от Тебѣ не утайся. Сѣрдце моё смятѣся, оста́ви мя сила́ моя, и свет очию́ моею, и той несть со мно́ю. Друзи́ мой и искреннии́ мой прямо́ мне прибли́жишася и стáша, и ближнии́ мой отдалече́ мене́ стáша и нуждáхуся и́щущи дѹшу́ мою́, и и́щущи злáя мне глаго́лаху сѹетная и льстивнымъ весь день поучáхуся. Аз же яко глух не слы́шах и яко нем не отверзáяй уст своих. И бых яко человек не слы́шай и не имы́й во устѣх своих обли́ченія. Яко на Тя, Гóсподи, упова́х, Ты услы́шиши, Гóсподи Бóже мой. Яко рех: да не когда́ порáдуют ми ся врази́ мой: и внегда́ подвижáтися ногáм мо́им, на мя велерече́ваша. Яко аз на раны́ готóв, и болѣзнь моя́ предо мно́ю есть вы́ну. Яко беззаконіе моё аз возвещѹ́ и попеку́ся о гресѣ́ моём. Врази́ же мой живѹт и укрепі́шася пáче мене́, и умно́жишася ненави́дящии мя без правды. Возда́ющии ми злáя възблагáя оболгáху мя, зане́ гоня́х благосты́ню. Не оста́ви мене́, Гóсподи Бóже мой, не отступи́ от мене́. Вонми́ в по́мощь мою́, Гóсподи спасѣ́ния моего́.

Не оста́ви мене́, Гóсподи Бóже мой, не отступи́ от мене́. Вонми́ в по́мощь мою́, Гóсподи спасѣ́ния моего́.

Псалом 62

Бóже, Бóже мой, к Тебѣ́ ўтреннюю, возжада́ Тебѣ́ дѹшá моя́, коль мно́жицею Тебѣ́ плоть моя́, в земли́ пѹсте и непроходне, и безводне. Та́ко во святѣ́м явѣ́хся Тебѣ́, видети́ силу́ Твою́ и сла́ву Твою́. Яко́ лѹчи́и мѣлость Твоя́ пáче живóт, устне́ мой похвалите́ Тя. Та́ко благословлю́ Тя в животѣ́ моём, о́ имени Твоёмъ воздежу́ рѹце́ мой. Яко от тѹка и ма́сти да испóлнится дѹшá моя́, и устна́ма радóсти восхва́лят Тя уста́ моя́. А́ще помина́х Тя на постѣ́ли мое́й, на ўтренних поучáхся в Тя. Яко́ был еси́ по́мощник мой, и в крóве крилѹ́ Твоёю́ возра́дуюся. Прильпе́ дѹшá моя́ по Тебѣ́, мене́ же при́ят десни́ца Твоя́. Тѣи же всѹ́е иска́ша дѹшу́ мою́, вни́дут в преиспóдняя земли́, преда́дутся в рѹки ору́жия, ча́сти лѣсовомъ бѹдут. Царь же возвеселі́тся о Бóзе, похва́лится всяк кленѣ́йся Им, яко́ заграді́шася уста́ глаго́лющих неправедная.

На ўтренних поучáхся в Тя, яко́ был еси́ Помóщник мой, и в крóве крилѹ́ Твоёю́ возра́дуюся.

Прильпе́ дѹшá моя́ по Тебѣ́, мене́ же при́ят десни́ца Твоя́.

26 февраля. Четверг 1-й недели Великого поста. Прп. Мартини́ан Кесарийский

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в. Ами́нь.

Аллилу́ия, аллилу́ия, аллилу́ия, сла́ва Тебе́, Бо́же. *(Трижды, без поклонов)*

Господи помилуй *(трижды)*.

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в. Ами́нь.

Псалом 87

Го́споди Бо́же спасе́ния моего́, во дни воззва́х, и в но́щи пред Тобо́ю. Да вни́дет пред Тя моли́тва моя́: приклони́ у́хо Твое́ к моле́нию моему́, я́ко испо́лнися зол душа́ моя́, и живо́т мой аду прибли́жися. Привмене́н бых с низходя́щими в ров, бых я́ко челове́к без по́мощи, в ме́ртвых свобо́дь, я́ко я́звеннии спя́щии во гробе́, ихже не помяну́л еси́ ктому́, и ти́и от руки́ Твоея́ отринове́ни бы́ша. Положи́ша мя в ро́ве преиспо́днем, в те́мных и се́ни сме́ртней. На мне утверди́ся я́рость Твоя́, и вся во́лны Твоя́ навел еси́ на мя. Уда́лил еси́ зна́емых мои́х от мене́, положи́ша мя ме́рзость се́бе: пре́дан бых и не исхожда́х. О́чи мои́ изнемо́госте от нищеты́, воззва́х к Тебе́, Го́споди, весь день, возде́х к Тебе́ ру́це мои́. Еда́ ме́ртвыми тво́риши чуде́са? Или́ вра́чеве воскреся́т, и испове́дятся Тебе́? Еда́ пове́сть кто во гробе́ ми́лость Твою́, и и́стину Твою́ в поги́бели? Еда́ позна́на бу́дут во тьме чуде́са Твоя́, и пра́вда Твоя́ в землі забвённой? И аз к Тебе́, Го́споди, воззва́х и у́тро моли́тва моя́ предва́рит Тя. Вскую́, Го́споди, отрёеши ду́шу мою́, отвраща́еши лице́ Твое́ от мене́? Нищ есмь аз, и в труде́х от ю́ности моея́; возне́с же ся, смири́хся, и изнемо́гох. На мне преидо́ша гне́ви Твои́, устраше́ния Твоя́ возмуті́ша мя, обыдо́ша мя я́ко вода́, весь день одержа́ша мя вку́пе. Уда́лил еси́ от мене́ дру́га и и́скренняго, и зна́емых мои́х от страсте́й.

Го́споди Бо́же спасе́ния моего́, во дни воззва́х и в но́щи пред Тобо́ю. Да вни́дет пред Тя моли́тва моя́, приклони́ у́хо Твое́ к моле́нию моему́.

Псалом 102

Благослови́, душе́ моя́, Го́спода, и вся вну́тренняя моя́ и́мя святое Егó. Благослови́, душе́ моя́, Го́спода, и не забыва́й всех воздая́ний Егó, очища́ющего вся беззако́ния тво́я, исцеля́ющего вся недуги тво́я, избавля́ющего от истле́ния живо́т твой, венча́ющего тя ми́лостью и щедро́тами, исполня́ющего во благо́х желáние твоё: обнові́тся я́ко о́рля ю́ность тво́я. Твори́яй ми́лостыни Госпо́дь, и судьбу́ всем обидимым. Сказа́ пути́ Сво́я Моисе́ови, сыновóм Изра́илевым хоте́ния Сво́я: щедр и ми́лостив

Госпо́дь, долготерпелив и многомилостив. Не до конца прогне́вается, ниже во век вражду́ет, не по беззакони́ем нашим сотвори́л есть нам, ниже по грехо́м нашим возда́л есть нам. Яко по высотé небéсней от земли́, утверди́л есть Госпо́дь милость Свою́ на боящихся Его́. Ели́ко отстоя́т восто́цы от за́пад, удали́л есть от нас беззакония́ наша. Якоже ще́дрит о́тец сы́ны, ущедри Госпо́дь боящихся Его́. Яко Той позна́ создание́ наше, помяну́, яко персть есмы́. Челове́к, яко трава́ дние его́, яко цвет сельный, тако оцвете́т, яко дух про́йде в нем, и не бу́дет, и не позна́ет ктому́ ме́ста своего́. Милость же Госпо́дня от ве́ка и до ве́ка на боящихся Его́, и пра́вда Его́ на сынéх сыно́в, храня́щих завет́ Его́, и по́мнящих за́поведи Его́ творити́ я. Госпо́дь на небеси́ угото́ва престо́л Свой, и Ца́рство Его́ все́ми облада́ет. Благослови́те Го́спода вси А́нгели Его́, си́льнии крѣпостию, творя́щи сло́во Его́, услы́шати глас словéс Его́. Благослови́те Го́спода вся си́лы Его́, слуги́ Его́, творя́щи во́лю Его́. Благослови́те Го́спода вся дела́ Его́, на вся́ком ме́сте влады́чества Его́, благослови́, душе́ моя, Го́спода. На вся́ком ме́сте влады́чества Его́, благослови́, душе́ моя, Го́спода.

Псалом 142

Го́споди, услы́ши моли́тву мою́, внуши́ моление́ моё во и́стине Твое́й, услы́ши мя в пра́вде Твое́й и не вни́ди в суд с рабо́м Твои́м, яко не оправди́тся пред Тобо́ю всяк живы́й. Яко погна́ враг ду́шу мою́, смири́л есть в зёмлю́ живо́т мой, посади́л мя есть в те́мных, яко ме́ртвыя ве́ка. И уны́ во мне дух мой, во мне смяте́ся се́рдце моё. Помяну́х дни дрéвния, поучи́хся во всех дéлех Твои́х, в творéниях руку́ Твое́ю поуча́хся. Возде́х к Тебе́ ру́це мой, душа́ моя́, яко земля́ безводная́ Тебе́. Ско́ро услы́ши мя, Го́споди, исчезе́ дух мой, не отврати́ лица́ Твоего́ от мене́, и уподо́блюся низходя́щим в ров. Слы́шану сотвори́ мне за́втра милость Твою́, яко на Тя упова́х. Скажи́ мне, Го́споди, путь во́ньже пойду́, яко к Тебе́ взях ду́шу мою́. Изми́ мя от враг мои́х, Го́споди, к Тебе́ прибего́х. Научи́ мя творити́ во́лю Твою́, яко Ты еси́ Бог мой. Дух Твой благи́й наста́вит мя на зёмлю пра́ву. Имене́ Твоего́ ра́ди, Го́споди, живи́ши мя, пра́вдою Твое́ю изведе́ши от печáли ду́шу мою́. И милостию́ Твое́ю потреби́ши враги́ моя́ и погуби́ши вся стужа́ющыя души́ моёй, яко аз раб Твой есмь.

Услы́ши мя, Го́споди, в пра́вде Твое́й, и не вни́ди в суд с рабо́м Твои́м.

Услы́ши мя, Го́споди, в пра́вде Твое́й, и не вни́ди в суд с рабо́м Твои́м.

Дух Твой Благи́й наста́вит мя на зёмлю пра́ву.

Сла́ва Отцу́, и Сы́ну, и Свято́му Ду́ху, и ны́не, и при́сно, и во ве́ки веко́в. Ами́нь.

26 февраля. Четверг 1-й недели Великого поста. Прп. Мартини́ан Кесарийский

Аллилу́ия, аллилу́ия, аллилу́ия, сла́ва Тебе́, Бо́же. *(Трижды)*

Ектенія великая

Диакон: Мíром Го́споду помóлимся.

Лик: Го́споди, помíлуй. *(на каждое прошение)*

Диакон: Заступи́, спаси́, помíлуй и сохрани́ нас, Бо́же, Твое́ю благодáтию.

Лик: Го́споди, помíлуй.

Диакон: Пресвятую, Пречистую, Преблагословенную, Сла́вную Влады́чицу нашу Богороди́цу и Присноде́ву Марию со все́ми святы́ми помяну́вше, са́ми себе́ и друг дру́га, и весь живóт наш Христу́ Бо́гу преда́дим.

Лик: Тебе́, Го́споди.

Священник: Яко́ подобáет Тебе́ всякая сла́ва, честь и поклонéние, Отцу́, и Сы́ну, и Свято́му Ду́ху, ны́не и прíсно, и во ве́ки веко́в.

Лик: Амíнь.

Аллилу́ия

Великим же постом с понедельника по пятницу поем:

Диакон: Аллилу́ия, Аллилу́ия, Аллилу́ия.

Диакон: *Стих 1:* От но́щи у́тренюет дух мой к Тебе́, Бо́же, занé свет повелéния Твоя́ на земл́и.

Лик: Аллилу́ия, Аллилу́ия, Аллилу́ия.

Диакон: *Стих 2:* Пра́вде научíteся живúщи на земл́и.

Лик: Аллилу́ия, Аллилу́ия, Аллилу́ия.

Диакон: *Стих 3:* За́висть при́мет лю́ди ненака́занныя.

Лик: Аллилу́ия, Аллилу́ия, Аллилу́ия.

Диакон: *Стих 4:* Прилож́и им зла, Го́споди, прилож́и зла сла́вным земл́и.

Лик: Аллилу́ия, Аллилу́ия, Аллилу́ия.

И поем Троичные тропари гласа седмицы.

Песни Троичны, глас 4:

Чтец: У́мных Твои́х слуг приноси́ти смёртнии, песнь дерза́юще, глаго́лем: /

26 февраля. Четверг 1-й недели Великого поста. Прп. Мартини́ан Кесарийский

Лик: Свят, Свят, Свят еси́, Бо́же наш. Молітвами святы́х апóстол Тво́их и святітеля Никола́я помілуй нас.

Чтец: Сла́ва Отцу́, и Сы́ну, и Свято́му Ду́ху.

Яко́ чіни ны́не А́нгельстии на Небесі́ / и стоя́ния стра́хом челове́ческая на землі, / побéдную песнь прино́сим Ти, Бла́же: /

Лик: Свят, Свят, Свят еси́, Бо́же наш, молітвами всех святы́х Тво́их помілуй нас.

Чтец: И ны́не, и прісно, и во ве́ки веко́в. Ами́нь.

Безнача́льнаго Твоего́ Отца́ / и Тебе́, Христé Бо́же, / и Пресвята́го Твоего́ Ду́ха, / херуві́мски славосло́вити дерза́юще, глаго́лем: /

Лик: Свят, Свят, Свят еси́, Бо́же наш, Богоро́дицею помілуй нас.

Лик: Го́споди, помілуй. **(Трижды)** Сла́ва Отцу́ и Сы́ну и Свято́му Ду́ху.

Чтец: И ны́не и прісно, и во ве́ки веко́в. Ами́нь.

Кафизма 6

Псалом 37

Го́споди, да не я́ростию Твое́ю обличи́ши мене́, ниже́ гнёвом Тво́им нака́жеши мене́. Яко́ стрéлы Твоя́ унзо́ша во мене, и утверди́л еси́ на мене́ ру́ку Твою́. Нестъ́ исцелéния в плóти мое́й от лица́ гнёва Твоего́, несть́ міра в костéх мо́их от лица́ грех мо́их. Яко́ беззакóния моя́ превзыдо́ша главу́ мою́, яко́ брeмя тяжкое́ отяготéша на мене. Возсмердéша и согни́ша раны́ моя́ от лица́ безумія́ моего́. Пострада́х и сляко́хся до конца́, весь день сeтуя́ хожда́х. Яко́ лядвия́ моя́ напо́лнишася поругáний, и несть́ исцелéния в плóти мое́й. Озло́блен бых и смири́хся до зeла́, рыка́х от възды́хания́ сeрдца́ моего́. Го́споди, пред Тобо́ю все желáние моé и възды́хание моé от Тебе́ не утайся. Сeрдце моé смятeся, оста́ви мя́ сила́ моя́, и свет очию́ мое́ю, и той несть́ со мно́ю. Друзи́ мои́ и іскреннии мои́ прямо́ мне прибли́жишася и ста́ша, и бліжнии мои́ отдалéче мене́ ста́ша и нуждáхуся іщущии́ ду́шу мою́, и іщущии́ злáя мне глаго́лаху сeтетная́ и льстивнымъ́ весь день поучáхуся. Аз же́ яко́ глух не слы́шах и яко́ нем не отверзáяй уст сво́их. И бых́ яко́ человекъ́ не слы́шай и не имы́й во устéх сво́их обли́чeния. Яко́ на Тя, Го́споди, упова́х, Ты услы́шиши, Го́споди Бо́же мой. Яко́

рех: да не когда пора́дуют ми ся врази́ мой: и внегда́ подвижа́тися нога́м мо́им, на мя велере́чеваша. Я́ко аз на ра́ны гото́в, и боле́знь моя́ предо мно́ю есть вѣну. Я́ко беззако́ние моё аз возвещу́ и попеку́ся о гресе́ моём. Врази́ же мой живу́т и укрепѣ́шася па́че мене́, и умно́жишася ненави́дящии мя без пра́вды. Воздаю́щии ми злая́ возблага́я оболга́ху мя, зане́ гонях благосты́ню. Не оста́ви мене́, Го́споди Бо́же мой, не отступи́ от мене́. Вонми́ в по́мощь мою́, Го́споди спасе́ния моего́.

Псалом 38

Рех: сохраню́ пути́ моя́, е́же не согреша́ти ми язы́ком мо́им: положи́х усто́м мо́им храни́ло, внегда́ воста́ти грешно́му предо мно́ю. Онемѣх и смири́хся, и умолча́х от благ, и боле́знь моя́ обновѣ́ся. Согре́яся се́рдце моё во мне, и в поуче́нии моём разгорѣ́тся огонь. Глаго́лах язы́ком мо́им: скажи́ ми, Го́споди, кончи́ну мою́ и число́ дней мо́их, ко́е есть? Да разуме́ю, что лишáюся аз? Се пяди́ положи́л еси́ дни моя́, и соста́в мой я́ко ничто́же пред Тобо́ю, о́баче вся́ческая суета́ всяк челове́к живы́й. Убо о́бразом ходит челове́к, о́баче все́ мятѣ́тся: сокрово́иществуе́т, и не весть, кому́ собере́т я́. И ны́не кто терпе́ние моё, не Госпо́дь ли? И соста́в мой от Тебе́ есть. От всех беззако́ний мо́их изба́ви мя, поноше́ние безу́мному дал мя еси́. Онемѣх и не отверзо́х уст мо́их, я́ко Ты сотвори́л еси́. Отста́ви от мене́ ра́ны Твоя́: от крѣпости бо руки́ Твоея́ аз исчезо́х. Во обличе́ниях о беззако́нии наказáл еси́ челове́ка и иста́ял еси́, я́ко паучи́ну, ду́шу егó: о́баче все́ всяк челове́к. Услы́ши моли́тву мою́, Го́споди, и моле́ние моё внуши́, слез мо́их не премолчи́: я́ко пресе́льник аз есмь у Тебе́ и пришле́ц, я́коже вси отцы́ мой. Осла́би ми, да почи́ю, пре́жде да́же не отъиду́, и кто́му не бу́ду.

Псалом 39

Терпя́, потерпе́х Го́спода, и внят ми, и услы́ша моли́тву мою́. И возведе́ мя от ро́ва страсте́й, и от брѣ́ния ти́ны, и поста́ви на ка́мени но́зе мой, и испра́ви стопы́ моя́, и вложи́ во уста́ моя́ песнь но́ву, пе́ние Бо́гу на́шему. Узрят мно́зи и убоятся, и упова́ют на Го́спода. Блаже́н муж, ему́же есть и́мя Госпо́дне упова́ние егó, и не призре́ в суеты́ и неистовле́ния ло́жная. Мно́га сотвори́л еси́ Ты, Го́споди, Бо́же мой, чудеса́ Твоя́ и помышле́нием Твои́м несть кто уподо́бится Тебе́: возвестѣ́х и глаго́лах, умно́жишася па́че числа́. Же́ртвы и приноше́ния не восхотѣ́л еси́, те́ло же сверши́л ми еси́, всесожже́ний и о гресе́ не взыска́л еси́. Тогда́ рех: се прииду́, в глави́зне кни́жне пи́сано есть о мне: е́же сотвори́ти во́лю Твою́, Бо́же мой, восхотѣ́х, и зако́н Твой посреде́ чре́ва моего́. Благовестѣ́х пра́вду в це́ркви вели́цей, се устна́м мо́им не возбраню́: Го́споди, Ты разумѣ́л еси́. Пра́вду Твою́ не скрых в се́рдце моём, и́стину Твою́ и спасе́ние Твоё рех,

26 февраля. Четверг 1-й недели Великого поста. Прп. Мартини́ан Кесарийский

не скрых мѣлость Твою́ и ѳ́стину Твою́ от со́нма мно́га. Ты же, Го́споди, не удали́ щедро́т Твои́х от мене́: мѣлость Твоя́ и ѳ́стина Твоя́ вѣну да заступите мя. Яко одержаша мя злая́, ѳ́мже несть числа́, постиго́ша мя беззакония́ моя́, и не возмого́х зрѣти, умно́жишася па́че влас главы́ моея́, и се́рдце моё оста́ви мя. Благоволи́, Го́споди, изба́вити мя: Го́споди, во е́же помощѣ́ ми вонми́. Да постыда́тся и посра́мятся вку́пе ѳ́щущи ду́шу мою́ изъѳ́яти ю́, да возвратя́тся вспя́ть и постыда́тся хотя́щии ми злая́. Да приѳ́мут а́бие студ свой глаго́лющии ми: бла́гоже, бла́гоже. Да возра́дуются и возвеселя́тся о Тебе́ вси ѳ́щущи Тебе́, Го́споди, и да реку́т вѣну: да возвели́чится Госпо́дь, лю́бящии спасе́ние Твое́. Аз же нищ есмь и убо́г, Госпо́дь попече́тся о мне. Помо́щник мой и Защи́титель мой еси́ Ты, Бо́же мой, не зако́сни.

Чтец: Сла́ва Отцу́ и Сы́ну и Свято́му Ду́ху.

Лик: И ны́не и прѣсно, и во ве́ки веко́в. Ами́нь. Аллилу́иа, аллилу́иа, аллилу́иа, сла́ва Тебе́ Бо́же. **(Трижды)** Го́споди, помѣлуй. **(Трижды)** Сла́ва Отцу́ и Сы́ну и Свято́му Ду́ху.

Чтец: И ны́не и прѣсно, и во ве́ки веко́в. Ами́нь.

Псалом 40

Блаже́н разумева́яй на ни́ща и убо́га, в день лю́т изба́вит его́ Госпо́дь. Госпо́дь да сохра́нит его́ и живѣ́т его́, и да ублажи́т его́ на земли́, и да не преда́ст его́ в ру́ки враго́в его́. Госпо́дь да помо́жет ему́ на одре́ болѣзни его́: все ло́же его́ обрати́л еси́ в болѣзни его́. Аз рех: Го́споди, помѣлуй мя, исцели́ ду́шу мою́, я́ко согреши́х Ти. Врази́ мой ре́ша мне злая́: когда́ умрет и поги́бнет ѳ́мя его́? И вхожда́ше ви́дети, всу́е глаго́лаше се́рдце его́, собра́ беззаконие себе́, исхожда́ше вон и глаго́лаше вку́пе. На мя шепта́ху вси врази́ мой, на мя помышля́ху злая́ мне. Сло́во законопресту́пное возложи́ша на мя: еда́ спя́й не приложи́т воскресну́ти? Ё́бо челове́к ми́ра моего́, на него́же упова́х, яды́й хлѣбы́ моя́, возвели́чи на мя запина́ние. Ты же, Го́споди, помѣлуй мя и возста́ви мя и возда́м им. В сем позна́х, я́ко восхотѣ́л мя еси́, я́ко не возра́дуется враг мой о мне. Мене́ же за незло́бие прия́л и утверди́л мя еси́ пред Тобою́ в век. Благослове́н Госпо́дь Бог Изра́илев от ве́ка и до ве́ка: бу́ди, бу́ди.

Псалом 41

ѓмже о́бразом жела́ет елѣнь на исто́чники водны́я, си́це жела́ет душа́ моя́ к Тебе́, Бо́же. Возжа́да душа́ моя́ к Бо́гу кре́пкому, живому́: когда́ прииду́ и явлю́ся лицу́ Бо́жию? Бы́ша слѣзы́ моя́ мне хлеб день и но́щь, внегда́ глаго́латися мне на всяк день: где́ есть Бог твой? Си́я помяну́х и изли́ях на

26 февраля. Четверг 1-й недели Великого поста. Прп. Мартини́ан Кесарийский

мя ду́шу мою́, яко пройду́ в ме́сто селѣния дѣвна, да́же до до́му Бо́жия, во гла́се ра́дования и испове́дания шу́ма пра́зднующаго. Вскую́ приско́рбна еси́, душе́ моя́? И вскую́ смуща́еши мя? Упова́й на Бо́га, яко испове́мся Ему́, спасѣние лица́ моего́, и Бог мой. Ко мне самому́ душа́ моя́ смяте́ся: сего́ ра́ди помяну́х Тя от земли́ Иорда́нски и Ермонийски, от горы́ ма́лыя. Бѣздна бѣздну призывает во гла́се хля́бий Твои́х, вся высоты́ Твоя́ и во́лны Твоя́ на мне преидо́ша. В день заповѣсть Госпо́дь ми́лость Свою́, и но́щию песнь Его́ от мене́, моли́тва Бо́гу живота́ моего́. Реку́ Бо́гу: Засту́пник мой еси́, почто́ мя забы́л еси́? И вскую́ се́туя хожду́, внегда́ оскорбляет враг? Внегда́ сокруша́тися костѣм мо́им, поноша́ху ми врази́ мои́, внегда́ глаго́лати им мне на всяк день: где есть Бог твой? Вскую́ приско́рбна еси́, душе́ моя́? И вскую́ смуща́еши мя? Упова́й на Бо́га, яко испове́мся Ему́, спасѣние лица́ моего́, и Бог мой.

Псалом 42

Суди́ ми, Бо́же, и разсуди́ прю́ мою́, от язы́ка непреподо́бна, от челове́ка непра́ведна и льсти́ва изба́ви мя. Зане́ Ты еси́, Бо́же, Кре́пость моя́, вскую́ отрину́л мя еси́? И вскую́ се́туя хожду́, внегда́ оскорбляет враг? Посли́ свет Твой и и́стину Твою́, та мя наста́виста и введо́ста мя в го́ру святу́ю Твою́ и в селѣния Твоя́. И вни́ду к же́ртвеннику Бо́жию, к Бо́гу веселя́щему ю́ность мою́, испове́мся Тебе́ в гу́слех, Бо́же, Бо́же мой. Вскую́ приско́рбна еси́, душе́ моя́? И вскую́ смуща́еши мя? Упова́й на Бо́га, яко испове́мся Ему́, спасѣние лица́ моего́, и Бог мой.

Чтец: Сла́ва Отцу́ и Сы́ну и Свято́му Ду́ху.

Лик: И ны́не и прѣсно, и во ве́ки веко́в. Ами́нь. Аллилу́иа, аллилу́иа, аллилу́иа, сла́ва Тебе́ Бо́же. **(Трижды)** Го́споди, помѣлуй. **(Трижды)** Сла́ва Отцу́ и Сы́ну и Свято́му Ду́ху.

Чтец: И ны́не и прѣсно, и во ве́ки веко́в. Ами́нь.

Псалом 43

Бо́же, ушы́ма на́шими услы́шахом, и отцы́ на́ши возвести́ша нам де́ло, е́же соде́лал еси́ во днѣх их, во днѣх дре́вних. Рука́ Твоя́ язы́ки потребѣи, и наса́дил я еси́, озло́бил еси́ лю́ди и изгна́л еси́ я. Не бо мечѣм сво́им насле́диша зе́млю, и мы́шца их не спа́се их, но десни́ца Твоя́, и мы́шца Твоя́, и просвещѣние лица́ Твоего́, яко благоволи́л еси́ в них. Ты еси́ Сам Царь мой и Бог мой, заповѣдая́я спасѣния Иа́ковля. О Тебе́ враги́ на́ша избодѣм ро́ги, и о и́мени Твое́м уничи́жим востаю́щыя на ны. Не на лук бо мой упова́ю, и мечь мой не спасѣт мене́. Спасл бо еси́ нас от стужа́ющих нам, и ненави́дящих нас посра́мил еси́. О Бо́же похва́лимся весь день и о и́мени

Твоём испове́мыся во век. Ны́не же отрёнул еси́ и посрамил еси́ нас, и не изы́деши, Бо́же, в си́лах на́ших. Возврати́л еси́ нас вспя́ть при вразе́х на́ших, и ненави́дящи нас расхища́ху себе́. Дал еси́ нас я́ко о́вцы сне́ди, и во язы́цах разсе́ял ны еси́. Отда́л еси́ лю́ди Твоя́ без цены́, и не бе мно́жество в восклицáнии на́ших. Положи́л еси́ нас поноше́ние сосе́дом на́шим, подражне́ние и поругáние су́щым о́крест нас. Положи́л еси́ нас в притчу́ во язы́цах, покива́нию главы́ в лю́дех. Весь день срам мой предо мно́ю есть, и студ лица́ моего́ покрýи мя от глása поноша́ющего и оклеветáющего, от лица́ вра́жия и изгоня́щего. Сия́ вся приидо́ша на ны, и не забыхом Тебе́, и не неправдовахом в завете́ Твоём. И не отступи́ вспя́ть се́рдце на́ше, и уклони́л еси́ стези́ на́ша от пути́ Твоего́. Я́ко смири́л еси́ нас на ме́сте озлобле́ния, и прикрýи ны сень сме́ртная. А́ще забыхом и́мя Бо́га на́шего и а́ще возде́хом ру́ки на́ша к бо́гу чужде́му. Не Бог ли взы́щет сих? Той бо весть та́йная се́рдца. Зане́ Тебе́ ра́ди умерщвляе́мся весь день, вмени́хомся я́ко о́вцы заколе́ния. Воста́ни, вску́ю спи́ши, Го́споди? Воскресни́ и не отрёни до конца́. Вску́ю лице́ Твое́ отвраща́еши? Забыва́еши нищету́ на́шу и скорбь на́шу? Я́ко смири́ся в персть душа́ на́ша, прильпе́ земли́ утроба́ на́ша. Воскресни́, Го́споди, помози́ нам и изба́ви нас и́мене ра́ди Твоего́.

Псалом 44

Отры́гну се́рдце моё сло́во бла́го, глаго́лю аз дела́ моя́ Царёви: язы́к мой трость кни́жника скоропи́сца. Красён добро́тою па́че сыно́в челове́ческих, изли́йся благода́ть во устна́х Твои́х, сего́ ра́ди благослови́ Тя Бог во век. Препоя́ши мечь Твой по бедре́ Твое́й, Си́льне. Красото́ю Твое́ю и добро́тою Твое́ю, и наля́цы, и успева́й, и ца́рствуй и́стины ра́ди и крото́сти, и пра́вды, и наста́вит Тя дивно́ десни́ца Твоя́. Стрелы́ Твоя́ изошрёны, Си́льне, лю́дие под Тобо́ю па́дут в се́рдцы враг царёвых. Престо́л Твой, Бо́же, в век ве́ка: жезл пра́вости, жезл Ца́рствия Твоего́. Возлюбил еси́ пра́вду и возненави́дел еси́ беззакóние, сего́ ра́ди пома́за Тя, Бо́же, Бог Твой елеем ра́дости, па́че прича́стник Твои́х. Смирна и ста́кти и касси́а от риз Твои́х, от тяжестей слоно́вых, из ни́хже возвесели́ша Тя. Дщери́ царей в че́сти Твое́й, предста́ Цари́ца одесну́ю Тебе́, в ри́зах позлащённых оде́яна преиспещре́на. Слы́ши, Дщи, и виждь, и приклони́ у́хо Твое́, и забуди́ лю́ди Твоя́, и дом отца́ Твоего́. И возжела́ет Царь добро́ты Твое́й: зане́ Той есть Госпо́дь Твой и поклони́шися Ему́. И дщи́ Тиро́ва с да́ры, лицу́ Твоему́ помóлятся бога́тии лю́дстии. Вся сла́ва Дщере́ Царёвы внутре́, рясны́ злата́ми оде́яна и преиспещре́на. Приве́дутся Царю́ де́вы в след ея́, и́скренния ея́ приве́дутся Тебе́. Приве́дутся в весели́и и ра́довании, введе́тся в храм Царёв. Вме́сто оте́ц Твои́х бы́ша сыно́ве Твои́: поста́ви-

26 февраля. Четверг 1-й недели Великого поста. Прп. Мартини́ан Кесарийский

ши я князи по всей земли. Помяну́ имя Твое́ во всяком ро́де и ро́де. Сего́ ра́ди лю́дие испове́дятся Тебе́ в век и во век ве́ка.

Псалом 45

Бог нам прибежище и сила, помощник в скорбех, обрѣтших ны зело́. Сего́ ра́ди не убоимся, внигда́ смущается земля́ и прелага́ются го́ры в сердца́ морская́. Возшумѣша и смято́шася во́ды их, смято́шася го́ры крѣпостию Егó. Рѣчная́ устремлѣния́ веселя́т град Бóжий: освятилъ есть селѣние Своѣ́ Вѣ́шний. Бог посреде́ егó, и не подви́жится: помóжет ему́ Бог утро́ за́тра. Смято́шася язы́цы, уклони́шася ца́рствія: даде́ глас Свой Вѣ́шний, подви́жеся земля́. Господь Сил с нами́, заступник наш Бог Иа́ковль. Приидите́ и видите́ дела́ Бóжия, яже положи́ чудеса́ на земли́: отъе́мля бра́ни до конѣцъ земли́, лук сокруши́т и сло́мит ору́жие, и щиты́ сожжѣт огнемъ. Упраздни́теся и разумѣ́йте, яко́ Аз есмь Бог: вознесу́ся во язы́цах, вознесу́ся на земли́. Господь Сил с нами́, Заступник наш Бог Иа́ковль.

Чтец: Сла́ва Отцу́ и Сы́ну и Свято́му Ду́ху, и ны́не и прѣсно, и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́ Бо́же. *(Трижды)*

Седален по 1-ом стихословии

Светила́ в конѣхъ ученики́ Твоя́, Христѣ́, явилъ еси́, сияющая́ душамъ на́шим во тьме́, разумъ Твой, Влады́ко; и лѣсть идо́льскую тех ра́ди омрачи́в, уче́ньми благоче́стия просвети́л еси́ мир. Тех мо́льба́ми спаси́ ду́ши на́ша.

Стих: Во всю зе́млю изы́де веща́ние их, и в конѣ́хъ вселѣ́нныя глаго́лы их.

Яко́ Моисѣ́й Изра́иля от рабо́ты, мо́рем Чермны́м наста́вивый, десни́цею Твое́ю, Влады́ко, погрузи́вый фара́она: тако́ чудесы́, премудри́и ученицы́ Твой мо́ре расторгóша го́рькаго безбо́жия и лю́ди наста́виша к Тебе́, Безнача́льне Сло́ве и еди́не Человеколю́бче.

Припев: Дивен Бог во святы́х Свои́х, / Бог Изра́илев.

Крестомъ вооруживше́ся, страсотѣрпцы́ Твой победи́ша ко́зни началозло́бнаго врага́, Христѣ́ Бо́же наш, возсия́ша, яко́ свети́ла, челове́ки наста́вляюще, даю́т исцелѣ́ния ве́рою прося́щим. Тех мо́литва́ми спаси́ ду́ши на́ша.

Сла́ва Отцу́, и Сы́ну, и Свято́му Ду́ху, и ны́не, и прѣсно, и во ве́ки веко́в. Ами́нь.

26 февраля. Четверг 1-й недели Великого поста. Прп. Мартини́ан Кесарийский

Сло́во О́тчее, Христа́ Бо́га на́шего, от Тебе́ воплоті́вшееся позна́хом, Богоро́дице Де́во, еди́на Чи́стая, еди́на Благословенная. Тем непреста́нно Тя воспева́юще велича́ем.

Лик: Го́споди, поми́луй. **(Трижды)** Сла́ва Отцу́ и Сы́ну и Свято́му Ду́ху.

Чтец: И ны́не и прісно, и во ве́ки веко́в. Ами́нь.

Кафизма 7

Псалом 46

Вси язы́цы восплещѣте рука́ми, восклі́кните Бо́гу гласом ра́дования. Яко Госпо́дь Вы́шний стра́шен, Царь ве́лий по всей землі. Покори́ лю́ди нам и язы́ки под но́ги на́ша: избра́ нам досто́яние Своё, добро́ту Иа́ковлю, ю́же возлюбѣ. Взы́де Бог в воскликнове́нии, Госпо́дь во гласе тру́бне. По́йте Бо́гу на́шему, по́йте, по́йте Царе́ви на́шему, по́йте. Яко Царь всея́ землі Бог, по́йте разу́мно. Воцари́ся Бог над язы́ки, Бог се́дит на престо́ле святе́м Своём. Кня́зи лю́дстии собра́шася с Бо́гом Авраа́млим. Яко Бо́жи державни́и землі зело́ вознесо́шася.

Псалом 47

Ве́лий Госпо́дь и хва́лен зело́ во гра́де Бо́га на́шего, в горе́ святе́й Егó. Благокоре́нным ра́дованием всея́ землі: го́ры Сио́нския, ре́бра се́верова, град Царя́ вели́каго. Бог в тяжестех егó зна́емь есть, егда́ заступа́ет ѿ. Яко се ца́рие зёмстии собра́шася, снисдо́шася вку́пе. Тѣи ви́девшие та́ко, уди́вшася, смято́шася, подвиго́шася. Тре́пет прият́ я: та́мо болѣзни́ яко ражда́ющия. Ду́хом бу́рным сокруши́ши кораблі́ Фарси́йския. Якоже слы́шашом, та́ко и ви́дохом во гра́де Го́спода Сил, во гра́де Бо́га на́шего, Бог основа́ ѿ в век. Прия́хом, Бо́же, ми́лость Твою́ посреде́ люде́й Твои́х. По і́мени Твоему́, Бо́же, та́ко и хвала́ Твоя́ на конца́х землі, пра́вды испо́лнь десни́ца Твоя́. Да возвесели́тся гора́ Сио́нская и да возра́дуются дщѣри Иудѣ́йския суде́б ра́ди Твои́х, Го́споди. Обыди́те Сио́н и обыми́те егó, пове́дите в столпе́х егó. Положи́те сердца́ ва́ша в си́лу Егó и разделі́те до́мы Егó, яко да пове́сте в ро́де ино́м. Яко Той есть Бог наш во век и в век ве́ка, Той упасѣ́т нас во ве́ки.

Псалом 48

Услы́шите сѣя́ вси язы́цы, внуши́те вси живу́щии по вселенней: земно́роднии же и сы́нове челове́честии, вку́пе богáт и убо́г. Уста́ моя́ возглаго́лют премудро́сть, и поучѣ́ние се́рдца моего́ разу́м. Приклоню́ в прѣтчю́ у́хо моё, отве́рзу во псалти́ри ганáние моё. Вску́ю бою́ся, в день лют?

Беззако́ние пяты́ моея́ обы́дет мя. Надёющися на си́лу свою́ и о мно́жестве бога́тства своегó хва́лящися, брат не изба́вит, изба́вит ли челове́к? Не даст Бо́гу изме́ны за ся, и це́ну изба́вления душы́ своея́, и утрудися в век. И жив бу́дет до конца́, не у́зрит па́губы. Егда́ уви́дит премудрыя умира́ющыя, вку́пе безу́мен и несмы́слен поги́бнут и оста́вят чужды́м бога́тство свое́. И грóби их жили́ща их во век, селёния их в род и род, нареко́ша именá своя́ на земля́х. И челове́к в че́сти сый не разумё, приложися ското́м несмы́сленным и уподо́бися им. Сей путь их собла́зн им, и по сих во устёх своих благоволя́т. Яко о́вцы во а́де положёни суть, смерть упасёт я́, и облада́ют ими пра́вии зау́тра, и по́мощь их обетша́ет во а́де, от сла́вы своея́ изриновёни бы́ша. Обáче Бог изба́вит ду́шу мою́ из руки́ а́довы, егда́ приёмлет мя. Не убóйся, егда́ разбогате́ет челове́к или́ егда́ умно́жится сла́ва до́му егó: яко внегда́ умре́ти ему́, не во́змет вся, ниже́ снѣдет с ним сла́ва егó. Яко душа́ егó в животе́ егó благослови́тся: испове́стся Тебе́, егда́ благосотвори́ши ему́. Вни́дет да́же до ро́да оте́ц своих, да́же до ве́ка не у́зрит све́та. И челове́к в че́сти сый не разумё, приложися ското́м несмы́сленным и уподо́бися им.

Чтец: Сла́ва Отцу́ и Сы́ну и Свято́му Ду́ху.

Лик: И ны́не и прѣсно, и во ве́ки веко́в. Ами́нь. Аллилу́иа, аллилу́иа, аллилу́иа, сла́ва Тебе́ Бо́же. **(Трижды)** Го́споди, помѣлуй. **(Трижды)** Сла́ва Отцу́ и Сы́ну и Свято́му Ду́ху.

Чтец: И ны́не и прѣсно, и во ве́ки веко́в. Ами́нь.

Псалом 49

Бог бого́в Господь глаго́ла и призва́ зёмлю от восток со́лнца до запа́д. От Сио́на благоле́пие красotý Егó. Бог я́ве при́дет, Бог наш, и не премолчи́т: огонь пред Ним возгори́тся, и о́крест Егó бу́ря зельна. Призо́вет Не́бо свѣше и зёмлю разсудѣ́ти лю́ди Своя́. Соберѣ́те Ему́ преподо́бныя Егó, завеща́ющыя завет Егó о же́ртвах. И возвестя́т небеса́ пра́вду Егó, яко Бог судия́ есть. Услы́шите, лю́дие мой, и возглаго́лю вам, Изра́илью, и засвидетельствую тебе́: Бог, Бог твой есмь Аз. Не о же́ртвах твои́х обличу́ тя, всесожже́ния же твоя́ предо́ Мно́ю суть вѣину. Не прииму́ от до́му Твоегó тельцо́в, ниже́ от ста́д твои́х козло́в. Яко мой суть вси зве́рие дубра́внии, скóти в гора́х и волóве. Позна́х вся пти́цы небесны́я, и красота́ сельная со́ Мно́ю есть. А́ще взáлчу, не реку́ тебе́: Моя́ бо есть вселенная и исполне́ние ея́. Еда́ ям мяса́ ю́нча или́ кровь козло́в пию́? Пожри́ Бо́гови же́ртву хвалы́ и возда́ждь Вы́шнему моли́твы Твоя́. И призовѣ́ Мя в день ско́рби твоея́, и изму́ тя, и просла́виши Мя. Гре́шнику же рече́ Бог: вскую́ ты по-

вѣдаеши оправдания Моя и восприѣмлеши завет Мой усты твоими? Ты же возненавидел еси наказаніе и отвергл еси словеса Моя вспять. Аще видел еси тата, текл еси с ним, и с прелюбодеем участие твоѣ полагаал еси. Уста твоѣ умножиша злобу, и язык твой сплеташе льщения. Седя, на брата твоего клеветал еси и на сына матери твоеѣ полагаал еси соблазн. Сия сотворил еси и умолчах, вознепщевал еси беззаконіе, яко буду тебе подобен. Обличу тя и представлю пред лицом твоим грехи твоѣ. Разумейте убо сия, забывающии Бога, да не когда похитит, и не будет избавляяй. Жертва хвалы прославит Мя, и тамо путь, имже явлю ему спасение Моѣ.

Псалом 50

Помилуй мя, Бже, по велицей милости Твоей, и по множеству щедрот Твоих очисти беззаконіе моѣ. Напаче омий мя от беззаконія моего, и от греха моего очисти мя. Яко беззаконіе моѣ аз знаю и грех мой предо мною есть вина. Тебе Единому согреших, и лукавое пред Тобою сотворих, яко да оправдишися во словесех Твоих и победиши, внегда судити Ти. Се бо в беззаконіих зачат есмь, и во гресех роди мя мати моя. Се бо истину возлюбил еси, безвѣстная и тайная премудрости Твоеѣ явил ми еси. Окропиши мя иссопом, и очищуся, омиеши мя, и паче снега убелюся. Слуху моему даси радость и веселие, возрадуются кости смиренныя. Отврати лице Твоѣ от грех моих, и вся беззаконія моя очисти. Сердце чисто созижди во мне, Бже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от крове, Бже, Бже спасения моего, возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо, всесожжения не благоволиши. Жертва Богу дух сокрушен, сердце сокрушено и смиренно Бог не уничижит. Ублажи, Господи, благоволением Твоим Сиона, и да созиждутся стѣны Иерусалимския. Тогда благоволиши жертву правды, возношение и всесожегаемая: тогда возложат на олтарь Твой тельцы.

Чтец: Слава Отцу и Сыну и Святому Духу.

Лик: И ныне и присно, и во веки веков. Аминь. Аллилуиа, аллилуиа, аллилуиа, слава Тебе Бже. **(Трижды)** Господи, помилуй. **(Трижды)** Слава Отцу и Сыну и Святому Духу.

Чтец: И ныне и присно, и во веки веков. Аминь.

Псалом 51

Что хва́лишия во злѡбе, си́льне? Беззако́ние весь день. Непра́вду умы́сли язы́к твой, я́ко брѣтву изошрёну сотвори́л еси́ леть. Возлюби́л еси́ злѡбу па́че благосты́ни, неправду́ не́же глаго́лати пра́вду. Возлюби́л еси́ вся глаго́лы потѡпныя, язы́к льстив. Сего́ ра́ди Бог разруши́т тя до конца́, востѡргнет тя, и пресели́т тя от селѣния твоего́ и ко́рень твой от земли́ живы́х. У́зрят пра́веднии и убоятся, и о нем возсмею́тся и реку́т: се человек, и́же не положи́ Бо́га помощника себе́, но упова́ на мно́жество богатства своего́, и возмо́же суэто́ю своею́. Аз же я́ко ма́слина плодовита в до́му Бо́жии, упова́х на ми́лость Бо́жию во век и в век ве́ка. Испове́мся Тебе́ во век, я́ко сотвори́л еси́, и терплю́ и́мя Твое́, я́ко бла́го пред преподо́бными Твои́ми.

Псалом 52

Рече́ безу́мен в се́рдце своём: несть Бог, растлѣша и омерзи́шася в беззако́ниих, несть творя́й благѡе. Бог с небесе́ прини́че на сы́ны челове́чския, ви́дети, а́ще есть разумева́яй или́ взыска́яй Бо́га? Всеи уклони́шася, вку́пе непотре́бни бы́ша, несть творя́й благѡе, несть до еди́наго. Ни ли уразуме́ют всеи де́лающии беззако́ние, снеса́ющии лю́ди моя́ в снесъ хлеба́, Го́спода не призва́ша. Та́мо устраши́шася стра́ха, иде́же не бе страх, я́ко Бог разсы́па ко́сти человекоуго́дников: постыде́шася, я́ко Бог уничи́жи их. Кто даст от Си́она спасѣние Изра́илево? Внегда́ возврати́т Бог пленѣние люде́й Свои́х, возра́дуется Иа́ков и возвесели́тся Изра́иль.

Псалом 53

Бо́же, во и́мя Твое́ спаси́ мя, и в си́ле Твое́й суди́ ми. Бо́же, услы́ши моли́тву мою́, внуши́ глаго́лы уст мои́х. Я́ко чу́ждии воста́ша на мя и кре́пцыи взыска́ша ду́шу мою́, и не предложи́ша Бо́га пред собо́ю. Се бо Бог помога́ет ми, и Го́сподь заступник души́ мое́й. Отврати́т злая́ враго́м мои́м, истиною Твое́ю потреби́ их. Во́лею пожру́ Тебе́, испове́мся и́мени Твоему́, Го́споди, я́ко бла́го, я́ко от всякия печа́ли изба́вил мя еси́, и на враги́ моя́ возре́ око́ мое́.

Псалом 54

Внуши́, Бо́же, моли́тву мою́ и не презри́ моле́ния моего́. Вонми́ ми и услы́ши мя: возскорбе́х печа́лию моею́ и смято́хся. От гла́са вра́жия и от стужѣния грѣшника, я́ко уклони́ша на мя беззако́ние и во гнѣве враждова́ху ми. Се́рдце мое́ смяте́ся во мне и боя́знь сме́рти нападе́ на мя. Страх и трѣпет при́иде на мя и покры́ мя тьма. И рех: кто даст ми криле́, я́ко голу́бине? И полещу́, и почи́ю? Се удали́хся бе́гая и водвори́хся в пусты́ни. Ча́ях Бо́га, спаса́ющаго мя от малоду́шия и от бу́ри. Потопи́, Го́споди, и раздели́ язы́ки их: я́ко ви́дех беззако́ние и пререка́ние во гра́де. Днем и

26 февраля. Четверг 1-й недели Великого поста. Прп. Мартини́ан Кесарийский

но́щию обы́дет ѿ по стенáм егó. Беззакóние и труд посреде́ егó и неправда. И не оскуде́ от стогн егó ли́хва и лeсть. Яко́ а́ще бы враг поно́сил ми, претерпéл бых у́бо, и а́ще бы ненави́дяй мя на мя велерече́вал, укрь́л бых ся от негó. Ты же, челове́че равноду́шне, влады́ко мой и знае́мый мой, и́же кúпно наслажда́лся еси́ со мно́ю бра́шен, в дому́ Бóжии ходи́хом единомышлeнием. Да при́дет же смерть на ня, и да снíдут во ад жи́ви, яко́ лука́вство в жили́щах их, посреде́ их. Аз к Бóгу воззва́х, и Господь услы́ша мя. Вeчер и за́втра, и полудне́ повeм, и возвещу́, и услы́шит глас мой. Изба́вит ми́ром ду́шу мою́ от приближа́ющихся мне, яко́ во мно́зе бя́ху со мно́ю. Услы́шит Бог и смири́т я, Сый прeжде век. Нeсть бо им изменeния, яко́ не убоя́шася Бóга. Простре́ ру́ку свою́ на воздая́ние, оскверни́ша завет Егó. Раздели́шася от гнeва лица́ Егó, и прибли́жишася сердца́ их, умя́кнуша словеса́ их па́че елeа, и та суть стрeлы. Возвeрзи на Гóспода печáль твою́, и Той тя препита́ет, не даст в век молвы́ пра́веднику. Ты же, Бóже, низведeши их во студенeц истлeния, мýжие кровeй и лeсти не преполовя́т дней свои́х. Аз же, Гóсподи, упова́ю на Тя.

Чтец: Сла́ва Отцу́ и Сы́ну и Свято́му Ду́ху, и ны́не и прiсно, и во ве́ки веко́в. Ами́нь. Аллилу́иа, аллилу́иа, аллилу́иа, сла́ва Тебе́ Бóже. *(Трижды)*

Седален по 2-ом стихословию

Светила в концeх ученики́ показáвый проповeданием, Сло́ве Бóжий, сердца́ на́ша просвети́ свeтом добродeтелей, и постóм очисти́, да́я покая́ние обра́щения рабо́м Твоим, во éже сла́вити Тя, Спа́се, еди́не сый Преблагий. Сла́ва Отцу́, и Сы́ну, и Свято́му Ду́ху.

Светила в концeх ученики́ показáвый проповeданием, Сло́ве Бóжий, сердца́ на́ша просвети́ свeтом добродeтелей, и постóм очисти́, да́я покая́ние обра́щения рабо́м Твоим, во éже сла́вити Тя, Спа́се, еди́не сый Преблагий. И ны́не, и прiсно, и во ве́ки веко́в. Ами́нь.

Богороди́це, не прeзри мя, тре́бующаго заступлeния Твоегó: на Тя бо упова́ душа́ моя, помилуй мя.

Лик: Гóсподи, помилуй. *(Трижды)* Сла́ва Отцу́ и Сы́ну и Свято́му Ду́ху.

Чтец: И ны́не и прiсно, и во ве́ки веко́в. Ами́нь.

Кафизма 8

Псалом 55

Помілуй мя, Бóже, я́ко попрá мя человек, весь день боря́ стужі ми. Попрáша мя вразі мой весь день, я́ко мно́зи борю́щие мя с высоты́. В день не убою́ся, аз же упова́ю на Тя. О Бóзе похва́лю словеса́ моя, на Бóга упова́х, не убою́ся, что сотвори́т мне плоть? Весь день словес мо́их гнуша́хуся, на мя вся помышлѣния их на зло. Вселя́тся и скрѣют, тѣи пята́ мою́ сохраня́т, я́коже потерпѣша ду́шу мою́. Ни о чесомже отри́неши я́, гнѣвом лю́ди низведѣши. Бóже, живо́т мой возвестѣх Тебе́, положи́л еси́ слѣзы моя́ пред Тобо́ю, я́ко и во обетова́нии Твоѣм. Да возвратя́тся вразі мой вспять, во́ньже а́ще день призову́ Тя, се позна́х, я́ко Бог мой еси́ Ты. О Бóзе похва́лю глаго́л, о Го́споде похва́лю сло́во. На Бóга упова́х, не убою́ся, что сотвори́т мне человек? Во мне, Бóже, моли́твы, я́же возда́м хвалы́ Твоя́, я́ко изба́вил еси́ ду́шу мою́ от сме́рти, о́чи мой от слез, и но́зе мой от поползнове́ния, благоугожду́ пред Го́сподем во све́те живы́х.

Псалом 56

Помілуй мя, Бóже, помілуй мя, я́ко на Тя упова́ душа́ моя́, и на сень кри́лу Твоєю́ надѣюся, до́ндеже пре́йдет беззакóние. Воззову́ к Бóгу Вы́шнему, Бóгу, благоде́явшему мне. Посла́ с небесе́ и спасе́ мя, даде́ в поноше́ние попира́ющыя мя, посла́ Бог ми́лость Свою́ и и́стину Свою́, и изба́ви ду́шу мою́ от среды́ скі́мнов. Поспа́х смущѣн, сы́нове челове́чести, зу́бы их ору́жия и стрѣлы, и язы́к их меч остр. Вознесѣ́ся на небеса́, Бóже, и по всей землі́ сла́ва Твоя́. Сеть угото́ваша нога́м мо́им и сляко́ша ду́шу мою́, ископа́ша пред лице́м мо́им я́му и впадо́ша в ню. Гото́во се́рдце моё, Бóже, гото́во се́рдце моё, воспою́ и пою́ во сла́ве моёй. Воста́ни сла́ва моя́, воста́ни псалти́рю и гу́сли, воста́ну ра́но. Испове́мся Тебе́ в лю́дех, Го́споди, воспою́ Тебе́ во язы́цех, я́ко возвели́чися до небес ми́лость Твоя́, и да́же до о́блак и́стина Твоя́. Вознесѣ́ся на небеса́, Бóже, и по всей землі́ сла́ва Твоя́.

Псалом 57

А́ще вои́стинну у́бо пра́вду глаго́лете, пра́вая суди́те, сы́нове челове́чести. И́бо в се́рдце беззакóние де́лаете, на землі́ неправду́ ру́ки ва́ша сплетáют. Очужди́шася грѣшницы́ от ложесн, заблуди́ша от чре́ва, глаго́лаша лжу. Я́рость их по подóбию змиину́, я́ко а́спида глу́ха и затыка́ющаго у́ши сво́и, и́же не услы́шит гла́са обавáющих, обавáемь обавáется от премúдра. Бог сокруши́т зу́бы их во устѣх их, членóвныя львов сокруши́л есть Госпо́дь. Уничижа́тся я́ко вода́ мимотеку́щая, напряже́т лук свой, до́ндеже изнемо́гут. Я́ко воск растая́в отъ́имутся, паде́ огонь на них и не ви́деша со́лнца. Пре́жде е́же разумѣ́ти те́рния ва́шего ра́мна, я́ко жи́вы, я́ко во гнѣве пожре́т я́. Возвесели́тся пра́ведник, егда́ уви́дит отмщѣ́ние,

26 февраля. Четверг 1-й недели Великого поста. Прп. Мартини́ан Кесарийский

ру́це свой умы́ет в кро́ви грѣшника. И рече́т челове́к: а́ще у́бо есть плод пра́веднику, у́бо есть Бог судя́ им на землі.

Чтец: Сла́ва Отцу́ и Сы́ну и Свято́му Ду́ху.

Лик: И ны́не и прісно, и во ве́ки веко́в. Ами́нь. Аллилу́иа, аллилу́иа, аллилу́иа, сла́ва Тебе́ Бо́же. **(Трижды)** Го́споди, помілуй. **(Трижды)** Сла́ва Отцу́ и Сы́ну и Свято́му Ду́ху.

Чтец: И ны́не и прісно, и во ве́ки веко́в. Ами́нь.

Псалом 58

Изми́ мя от враг мо́их, Бо́же, и от востаю́щих на мя изба́ви мя. Изба́ви мя от де́лающих беззако́ние и от муж кро́вей спаси́ мя. Я́ко се улови́ша ду́шу мою́, нападо́ша на мя крѣпцыи, ниже́ беззако́ние моё, ниже́ грех мой, Го́споди. Без беззако́ния текóх и испра́вих, востáни в срѣтение моё и виждь. И ты, Го́споди Бо́же Сил, Бо́же Изра́илев, вонми́ посетити́ вся язы́ки, да не ущѣдриши вся де́лающыя беззако́ние. Возвратя́тся на ве́чер и взáлчут, я́ко пес, и обы́дут град. Се ти́и отве́щают усты́ своїми, и меч во устна́х их, я́ко кто слы́ша? И Ты, Го́споди, посме́ешия им, уничижи́ши вся язы́ки. Держáву мою́ к Тебе́ сохрãну́, я́ко Ты, Бо́же, Засту́пник мой еси́. Бог мой, мило́сть Его́ предвари́т мя, Бог мой, яви́т мне на вразѣх мо́их. Не убий́ их, да не когда́ забудут за́кон Твой, расточи́ я́ си́лою Твое́ю и низведи́ я́, защи́тнице мой, Го́споди. Грех уст их, сло́во устен их, и я́ти да бу́дут в горды́ни сво́ей, и от клятвы́ и лжи возвестя́тся в кончи́не. Во гнѣве кончи́ны, и не бу́дут, и увѣдят, я́ко Бог влады́чествует Иáковом и концы́ землі. Возвратя́тся на ве́чер, и взáлчут, я́ко пес, и обы́дут град. Ти́и разы́дутся я́сти. А́ще ли же не насы́тятся, и порóпщут. Аз же воспóю си́лу Твою́ и возра́дуюся за́втра о мило́сти Твое́й, я́ко был еси́ засту́пник мой и прибѣжище моё в день ско́рби моея́. Помо́щник мой еси́, Тебе́ пою́: я́ко Бог Засту́пник мой еси́, Бо́же мой, мило́сть моя́.

Псалом 59

Бо́же, отрину́л ны еси́ и низложи́л еси́ нас, разгне́вался еси́, и ущѣдрил еси́ нас. Стрясл еси́ зѣмлю и смути́л еси́ ю́, исцели́ сокруше́ние ея́, я́ко подви́жеся. Показа́л еси́ лю́дем Тво́им жесто́кая, напои́л еси́ нас вино́м умилѣния. Дал еси́ боя́щимся Тебе́ зна́мение, е́же убежа́ти от лица́ лúка. Я́ко да изба́вятся возлю́бленнии Тво́и, спаси́ десни́цею Твое́ю и услы́ши мя. Бог возгла́ола во святѣм Сво́ем: возра́дуюся и разделю́ Сики́му, и юдо́ль жили́щ разме́рю. Мой есть Галаáд, и Мой есть Манасси́й, и Ефре́м – крѣпость главы́ Моея́, Иúда – царь Мой. Моáв – коно́б упова́ния Моего́, на Идуме́ю простру́ сапо́г Мой, Мне иноплеме́нницы покоря́шася. Кто вве-

26 февраля. Четверг 1-й недели Великого поста. Прп. Мартини́ан Кесарийский

дѣт мя во град ограждѣнія? или кто наставит мя до Идумѣи? Не Ты ли, Бóже, отринувый нас? И не изыдеши, Бóже, в силах наших? Дажь нам по́мощь от скóрби, и сýетно спасѣние человѣческо. О Бóзе сотворимъ силу, и Той уничижитъ стужающыя нам.

Псалом 60

Услы́ши, Бóже, мо́ление моѐ, вонми мо́литве моѐй. От конѣцъ земли к Тебѣ воззва́х, внигда́ уны́ сердце моѐ, на ка́мень вознесл мя еси́, наставил мя еси́. Яко́ был еси́ упова́ние моѐ, столп крѣпости от лица́ вра́жия. Вселию́ся в селѣнии Твоѐмъ во вѣки, покрýюся в крóве крил Твои́х. Яко́ Ты, Бóже, услы́шал еси́ мо́литвы моя́, дал еси́ достоя́ние боя́щимся и́мене Твоего́. Дни на дни царѣвы приложи́ши, лѣта егó до дне рóда и рóда. Пребúдет в век пред Бóгом, мѣлость и и́стину Егó кто взы́щет? Та́ко воспою́ и́мени Твоему́ во вѣки, возда́ти ми мо́литвы моя́ день от дне.

Чтец: Сла́ва Отцу́ и Сы́ну и Свято́му Ду́ху.

Лик: И ны́не и прѣсно, и во вѣки веко́в. Ами́нь. Аллилу́иа, аллилу́иа, аллилу́иа, сла́ва Тебѣ Бóже. **(Трижды)** Го́споди, помѣлуй. **(Трижды)** Сла́ва Отцу́ и Сы́ну и Свято́му Ду́ху.

Чтец: И ны́не и прѣсно, и во вѣки веко́в. Ами́нь.

Псалом 61

Не Бóгу ли повинѣтся душа́ моя́? От Того́ бо спасѣние моѐ. И́бо Той Бог мой и Спас мой, Засту́пник мой, не подви́жуся наипáче. Докóле належитѣ на челове́ка? Убива́ете вси вы, яко́ стени́ преклонѣне, и оплóту возрино́вѣну. Обáче цѣну мою́ совеща́ша отринути, текóша в жа́жди, усты́ свои́ми благословля́ху и сѣрдцемъ своимъ кленя́ху. Обáче Бóгови повинѣся, душе́ моя́, яко́ от Того́ терпѣние моѐ. И́бо Той Бог мой и Спас мой, Засту́пник мой, не преселю́ся. О Бóзе спасѣние моѐ и сла́ва моя́, Бог по́мощи моея́, и упова́ние моѐ на Бóга. Упова́йте на Него́ весь сонм люде́й, изли́йте пред Нимъ сердца́ ва́ша, яко́ Бог по́мощник наш. Обáче сýетни сы́нове челове́чести, лживи сы́нове челове́чести в мѣрилахъ е́же неправдовати, тии́ от суеты́ вку́пе. Не упова́йте на неправду́ и на восхищѣние не желáйте. Богáтство а́ще течѣт, не прилага́йте сѣрдца. Еди́ною глаго́ла Бог, двóя сия́ слы́шах, занѣ держа́ва Бóжия, и Твоя́, Го́споди, мѣлость, яко́ Ты возда́си кому́ждо по делóм егó.

Псалом 62

Бóже, Бóже мой, к Тебѣ у́треннюю, возжа́да Тебѣ душа́ моя́, коль мно́жицею Тебѣ плоть моя́, в земли́ пúсте и непрохóдне, и безвóдне. Та́ко во святе́мъ

26 февраля. Четверг 1-й недели Великого поста. Прп. Мартини́ан Кесарийский

явѣхся Тебѣ, видети силу Твою и славу Твою. Яко лучши милость Твоя паче живот, устне мой похвалите Тя. Тако благословлю Тя в животѣ моем, о имени Твоем воздежу рuce мой. Яко от тука и масти да исполнится душа моя, и устнама радости восхвалят Тя уста моя. Аще поминах Тя на постели моей, на утренних поучахся в Тя. Яко был еси помощник мой, и в крове крилу Твоею возрадуюся. Прильпе душа моя по Тебѣ, мене же прият десница Твоя. Тии же все исказа душу мою, внидут в преисподняя земли, предадутся в руки оружия, части лисовом будут. Царь же возвеселится о Бозе, похвалится всяк кленыйся Им, яко заградиса уста глаголющих неправедная.

Псалом 63

Услыши, Бже, глас мой, вегда молити ми ся к Тебѣ, от страха вражия изми душу мою. Покрой мя от сонма лукавнующих, от множества делающих неправду. Иже изостриша, яко мечь, языки своя, напрягоша лук свой, вещь горьку, состреляти в тайных непорочна, внезапно состреляют его и не убоятся. Утвердиша себе слово лукавое, поведаша скрыти сеть, реша: кто узрит их? Испыташа беззаконие, исчезоша испытующии испытания, приступит человек, и сердце глубоко, и вознесется Бог. Стрелы младенец быша язвы их, и изнемогоша на ня языцы их. Смутиса все видящии их, и убоятся всяк человек, и возвестиса дела Божия, и творения Его разумеша. Возвеселится праведник о Господе и уповает на Него, и похвалятся все правии сердцем.

Чтец: Слава Отцу и Сыну и Святому Духу, и ныне и присно, и во веки веков. Аминь. Аллилуиа, аллилуиа, аллилуиа, слава Тебе Бже. *(Трижды)*. Господи, помилуй. *(Трижды)*

И седален по 3-ом стихословии.

Светлейшее добродетелей, сожительницу небесную воздержание, молим тя, апостольская двенадцатице, молися мирно нам совершити, и прияти плоды спасения: вы бо воистинну земным есте держава, и прибежище душам нашим.

Слава Отцу, и Сыну, и Святому Духу.

Светлейшее добродетелей, сожительницу небесную воздержание, молим тя, апостольская двенадцатице, молися мирно нам совершити, и прияти плоды спасения: вы бо воистинну земным есте держава, и прибежище душам нашим.

И ныне, и присно, и во веки веков. Аминь.

Святѣйшая Херувим, вышшая небес всепетая Богородице, Тя воистинну исповедающе, имамы грешнии спасение, и обретаем во искушениях пред-

26 февраля. Четверг 1-й недели Великого поста. Прп. Мартини́ан Кесарийский

ста́тельство. Те́мже не преста́й о нас моля́щи, держа́ва и прибе́жище душ на́ших.

Лик: Го́споди, помíлуй. *(Трижды)* Сла́ва Отцу́ и Сы́ну и Свято́му Ду́ху.

Чтец: И ны́не и прíсно, и во ве́ки веко́в. Ами́нь.

Псалом 50

Помíлуй мя, Бо́же, по вели́цей ми́лости Твое́й, и по мно́жеству щедро́т Твои́х очисти беззако́ние моё. Наипа́че омый мя от беззако́ния моего́, и от греха́ моего́ очисти мя. Я́ко беззако́ние моё аз зна́ю и грех мой предо мно́ю есть вѣну. Тебе́ Еди́ному согреших, и лука́вое пред Тобо́ю сотвори́х, я́ко да оправди́шия во словесе́х Твои́х и победи́ши, внегда́ суди́ти Ти. Се бо в беззако́нных зача́т есмь, и во гресе́х роди́ мя ма́ти моя́. Се бо и́стину возлюбил еси́, безвѣстная и та́йная премудрости Твоея́ явил ми еси́. Окропи́ши мя иссо́пом, и очи́щуся, омы́еши мя, и па́че сне́га убелю́ся. Слу́ху моему́ да́си ра́дость и веселие, возра́дуются ко́сти смире́нныя. Отврати́ лице́ Твое́ от грех мои́х, и вся беззако́ния моя́ очисти. Сѣрдце чи́сто сози́жди во мне, Бо́же, и дух прав обнови́ во утробе мое́й. Не отвержи мене́ от лица́ Твоего́, и Ду́ха Твоего́ Свята́го не отыми́ от мене́. Возда́ждь ми ра́дость спасе́ния Твоего́, и Ду́хом Влады́чним утверди́ мя. Научу́ беззако́нныя путе́м Твои́м, и нечестивии к Тебе́ обратя́тся. Изба́ви мя от крове́й, Бо́же, Бо́же спасе́ния моего́, возра́дуется язы́к мой пра́вде Твое́й. Го́споди, устне́ мои́ отвѣрзеши, и уста́ моя́ возвестя́т хвалу́ Твою́. Я́ко а́ще бы восхотѣл еси́ жѣртвы, дал бых у́бо, всесожже́ния не благоволи́ши. Жѣртва Бо́гу дух сокруше́н, сѣрдце сокруше́нно и смире́нно Бог не уничи́жит. Ублажи́, Го́споди, благоволе́нием Твои́м Сио́на, и да сози́ждутся стѣны́ Иерусали́мския. Тогда́ благоволи́ши жѣртву пра́вды, возноше́ние и всесожега́емая: тогда́ возложат на олта́рь Твой тельцы́.

Диакон: Спаси́, Бо́же, лю́ди Твоя́ и благослови́ достоя́ние Твое́...

Лик: Го́споди, помíлуй *(12 раз)*.

Священник: Ми́лостию и щедро́тами...

Лик: Ами́нь.

Канон

Песнь 1

Кано́н преподо́бнаго Мартини́ана. Глас 2. На 5.

26 февраля. Четверг 1-й недели Великого поста. Прп. Мартини́ан Кесарийский

Ирмос, глас 2: Во глубинѣ постлѣ иногда/ фараонѣтское
всевѣиство преоружѣнная сила,/ воплощсея же Слово
всезлѣбный грех потребило есть,// Препрослѣвленный
Господь славно бо прослѣвился.

Лик: Стих, на 4: Господь, царствуяй вѣки, и на век, и ещѣ,
егда вниде конь фараонов с колесницами и всадники в
море.

Тайными пѣснями согласно, приидите, восхвалим постника благочестия
днесь, Мартиниана, верно,/ яко добре и законно постившася,/ темже и по-
бѣды прият от Христа венец.

Лик: Стих: И наведе на ня Господь воду морскую, сынове
же Израилевы проидоша сушею посреде моря.

Неуклонно страхом Христовым, отче, ограждаемь,/ страха вражия, якоже
молния, отгнал еси,/ страшен бо был еси на них терпением воздержания/
и мечтанными непоколебимь пребыл еси, прехвальне.

Лик: Слава Отцу, и Сыну, и Святому Духу.

Спасительною силою Христовою/ искушение тебе демонское нашѣдшее
удобь мимо течѣ,/ жены наитие, преподобне, юже спасый,/ уязвил еси сея
ради злоначальника.

Лик: И ныне, и присно, и во вѣки веков. Аминь.

Во чреве поносивши без мужа, Чистая,/ и Дева же Мати в женах еси не-
тленна,/ Духом Святым Сына Божия зачѣнши во утробе,/ Егоже по благо-
волѣнию Отца родила еси без семени.

Песнь 3

Лик: Стих, на 4: Господь взиде на Небеса и возгремѣ, Той
судит концем земли, праведен Сый.

Канон преподобнаго Мартиниана. Глас 2. На 4.

26 февраля. Четверг 1-й недели Великого поста. Прп. Мартини́ан Кесарийский

Плоти воздержанием отмыл еси мерзости злобу, якоже тину, / и обрел еси чистотою ума стези, преподобне, праведных, / гладких путей отбег греховных, мудре.

Лик: Стих: И даст крепость царю нашему, и вознесет рог Христа Своего.

Вжил в сердце твое и разжег страхом и любовью Господнею, / плоть твою опалил еси волею огнем вещественным, мудре, / сим прописуя нам геенны, преподобне, негасимый огонь.

Лик: Слава Отцу, и Сыну, и Святому Духу.

Ураняя твое тело огнем всеядущим, / гонитель явился еси и венечник, / уязвляя супостата терпением, / очищая же помышлений скверну, преподобне, / и убеждая духом, и девствуя плотию.

Лик: И ныне, и присно, и во веки веков. Аминь.

Зачатие неискусомужно, / Божественное Рождение несказанно, / паче ума бо, / Бог же, раждаемый выше естества. / О, Рождества Твоего! / О, чистоты Твоея! / Тобою бо явился мне Бог в рабии образе.

Катавасия

Ирмос, глас 2: На камени мя веры утвердив, / расширил еси уста моя на враги моя, / возвесели бо ся дух мой, внигда пети: / несть свят, якоже Бог наш, // и несть праведен, паче Тебе, Господи.

Малая ектения

Диакон: Паки и паки миром Господу помолимся.

Лик: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Лик: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувше, сами себе и друг друга, и весь живот наш Христу Богу предадим.

Лик: Тебѣ, Гóсподи.

Священник: Яко Ты еси Бог наш, и Тебѣ славу воссылаем, Отцѹ и Сыну, и Святому Дѹху, ныне и присно, и во веки веков.

Лик: Амѣнь.

Седальны

Преподобный Твой, Гóсподи,/ в пощении своем подвиги показуя усердием многим, Христѣ Бóже наш,/ имея бо крепость Твою, преобидяше бѣсы,/ посече словом некрепкую гордыню./ Тѣмже Тя молим: спаси дѹши наша.

Слава Отцѹ, и Сыну, и Святому Дѹху, и ныне, и присно, и во веки веков. Амѣнь.

Дѣво Всенепорочная, яже пресущнаго Бóга рóждшая,/ со безплотными Того непрестанно моли/ оставление прегрешений и исправление жития дати нам прежде конца,/ верою и любовью поющим Тя по долгу,/ Едина Всепетая.

Песнь 4

Стих: Гóсподи, услышах слух Твой и убояхся, Гóсподи, разумѣх дела Твоя и ужасóхся.

Стих: Посредѣ двою животну познан будеши. Внегда приблизитися лѣтом – познаешися, внегда приити времени – явишися, внегда смутитися душой моей во гнѣве – милость Твою помянеши.

Стих: Бог от юга придет, и Святыи из горы приосененныя чащи.

Стих: Покрыи Небеса добродетель Его, и хвалыи Его исполнь земля.

Стих: И сияние Его, яко свет будет, рози в руках Его, и положи любовь державну крепости Своей.

26 февраля. Четверг 1-й недели Великого поста. Прп. Мартини́ан Кесарийский

Стих: Пред лицём Его́ преды́дет сло́во и изы́дет на по́ле за пяту́ Его́.

Стих: Ста и подвѣжесе земля, призре́ и растаяша язы́цы.

Стих: Стры́шася го́ры ну́ждею, растаяша хо́лми вѣчнии, шѣствия вѣчная их за труд ви́деша.

Стих: Селѣния Ефио́пская убоятся и кро́вы земли́ Мади́амския.

Стих: Еда́ в река́х прогне́ваешия, Го́споди? еда́ в река́х я́рость Твоя́? или́ в мо́ри устремле́ние Твое́? Яко всядеши на кони Твоя́, и еждѣние Твое́ спасѣние.

Стих: Наляца́я, наляче́ши лук твой на ски́птры, глаго́лет Го́сподь.

Стих: Река́ми разся́дется земля, у́зрят Тя и поболѣят лю́дие.

Стих: Расточа́я во́ды шѣствия, даде́ бѣздна глас свой, высотá привидѣния своя́.

Стих: Воздвѣжесе со́лнце, и луна́ ста в чѣне своём.

Стих: Во свет стрѣлы Твоя́ пойдут, в блиста́нии мо́лнии ору́жий Твои́х.

Стих: Прещё́нием ума́лиши зѣмлю и я́ростию низложѣши язы́ки.

Стих: Изше́л еси́ на спасѣние люде́й Твои́х, спасти́ пома́занныя Твоя́ прише́л еси́.

Стих, на 14: Вложѣл еси́ во главы́ беззаконных смерть, воздвѣгн еси́ ўзы да́же до вѣи в конѣц.

26 февраля. Четверг 1-й недели Великого поста. Прп. Мартини́ан Кесарийский

Кано́н преподо́бнаго Мартини́ана. Глас 2. На 6.

Ирмос, глас 2: Прише́л еси́ от Де́вы не ходата́й, ни А́нгел,/ но Сам, Го́споди, вопло́щся,/ и спасл еси́ все́го мя, челове́ка./ Тем зову́ Ти:// сла́ва си́ле Твое́й, Го́споди.

Стих: Разсе́кл еси́ во изступле́нии главы́ си́льных, стрясу́тся в ней, разве́рзут узды́ своя́, я́ко снеда́яй ни́щия тай.

Умертви́ся томителя́ ле́сти обрете́ние и побежде́ние прият,/ ея́же бо ра́ди победи́ти наде́яшеся, сею́ низложис́я/ и попира́ется до́бле нога́ми кре́пко.

Стих: И возве́л еси́ на мо́ре ко́ни Твоя́, смуща́ющия во́ды мно́ги.

Умертви́ся томителя́ ле́сти обрете́ние и побежде́ние прият,/ ея́же бо ра́ди победи́ти наде́яшеся, сею́ низложис́я/ и попира́ется до́бле нога́ми кре́пко.

Стих: Сохрани́хся, и убо́яся се́рдце моё́ от гла́са моли́твы усте́н мои́х.

Претерпе́л еси́ до́блественным нра́вом Го́спода,/ стези́ упра́вил еси́ и на ка́мень всели́лся еси́, преподо́бне, без покрóва лежа́щ,/ я́ко на Не́бо, возше́д в ма́лый о́стров.

Стих: И вни́де трéпет в ко́сти моя́, и во мне смяте́ся кре́пость моя́.

До́блественней и кра́сней твоёй но́зе, прехва́льней,/ к течению́ простёрл еси́, от страны́ в страну́ прехо́дя:/ бежа́л бо от гра́да страсте́й и в безстра́стие дости́гл еси́.

Стих: Почию́ в день ско́рби мое́я, да взы́ду в лю́ди прише́льствия моего́.

Богородичен: Пребыла́ еси́ по Рожде́ствé Де́ва, Препета́я,/ Бог бо Безнача́льный яви́ся, из Тебе́ прохо́дя,/ Ему́же вчелове́чшуся, подо́бия о́браз целу́ем.

26 февраля. Четверг 1-й недели Великого поста. Прп. Мартини́ан Кесарийский

Стих, на 8: Зане́ смоквь не плодопринесёт, и не б́удет ро́да в лоза́х.

Трипéснец в четвѣрг 1-й седми́цы ВП. Глас 2. На 4.

Воздержáния зарí приѣмлющи, облистáйся, душѣ, и отбѣгни грехóвнаго омрачѣния: я́ко да возс́ияет ти оставлѣния свет, Божѣственным Д́ухом.

Стих: Солжѣт дѣло ма́слинное, и поля́ не сотворя́т я́ди.

Удицею мя сла́сти прельстѣв льстѣвый, плѣнника восх́ити: но мир, апóстоли, слóвом уловѣвшии, от тогó мя злóбы избáвите.

Стих: Оскудѣша óвцы от пѣщи, и не б́удет волóв при я́слех.

Явѣстеся Сóлнца сла́вы зарѣния, апóстоли сла́внии, прѣлести тьму отгоня́ще: и менѣ́ убо просветѣте, всякою злóбою омрачѣннаго.

Стих: Аз же о Гóсподе возра́дуюся, возвеселю́ся о Бóзе, Спа́се моѣм.

Богородичен: Воззову́ в но́щи и во дни оскорбля́емь к Тебѣ, и спасу́ся, и сла́сти прейдú, Стенó и Пóмоще, Твоѣю, Дѣво, сѣлою огражда́емый.

Стих, на 4: Госпóдь Бог мой – сѣла моя́ и учинѣт нóзе мой на совершѣние.

Ин трипéснец в четвѣрг 1-й седми́цы ВП. Глас 5. На 4.

Сóлнца правды́ сýще, апóстоли, светѣла всесвѣтлая, просвещáете земный мир, мрак прѣлести отгоня́ще.

Стих: И на высóкая возвóдит мя, победѣти ми в пѣсни Егó.

Лѣра сýще Спа́сова духодвѣжимая, апóстоли, познáвшеся на земли, доброгласную поѣте нам пѣснь, и мир к Бóгу обращáете.

Сла́ва Отцу́, и Сýну, и Святóму Д́уху.

Трои́чен: Трóицу во едѣнственном Существѣ́ сла́вяще, Едѣнаго Гóспода Бóга воспóим, нерождѣнна Отца́, Сýна рождѣннаго, и Д́уха живýщаго.

И нýне, и прѣсно, и во вѣки векóв. Амѣнь.

Богородичен: Дѣва зачат во чрѣве, Гóсподи, и родѣ́ Тебѣ Емману́ила: изшѣл бо есѣ́ во спасѣние людѣй Твоѣх, спасти́ благѣя Твоя́, Человеколóбче.

26 февраля. Четверг 1-й недели Великого поста. Прп. Мартини́ан Кесарийский

Припев: Сла́ва Тебе́, Бо́же наш, сла́ва Тебе́.

Апóстольская двоенадесятице, божéственная и всечестна́я, моли́ Христа́ о нас, мо́лимся прейти́ нам благомо́щно четыредесятиднёвное по́прище.

Катавасия

Ирмос, глас 5: Дела́ смотре́ния Твоего́, Го́споди,/ ужаси́ша проро́ка Авваку́ма:/ изше́л бо еси́ на спасéние люде́й Твои́х,// спасти́ пома́занныя Твоя́ пришéл еси́.

Песнь 5

Кано́н преподо́бнаго Мартини́ана. Глас 2. На 5.

Ирмос, глас 2: Све́та Подáтелю и веко́в Тво́рче, Го́споди,/ во све́те Твои́х повелéний наста́ви нас:// ра́зве бо Тебе́, ино́го бо́га не зна́ем.

Лик: Стих, на 4: Воскрéснут мёртвии, и воста́нут, и́же во гробéх, и возвеселя́тся, и́же на земли́.

Дверь обрёт добродéтели,/ кова́рство врага́, преподо́бне, яви́лся еси́ и жи́зни моея́ предста́тель,/ души́ же наста́вник, погружённой лю́те бу́рею.

Лик: Стих: Роса́ бо, я́же от Тебе́, исцелéние им есть, земля́ же нечестивых падéт.

Дверь обрёт добродéтели,/ кова́рство врага́, преподо́бне, яви́лся еси́ и жи́зни моея́ предста́тель,/ души́ же наста́вник, погружённой лю́те бу́рею.

Лик: Сла́ва Отцу́, и Сы́ну, и Свято́му Ду́ху.

Дар Бо́жий прият моли́тв твои́х крéпость,/ вся соверша́еши, му́дре, пре-сла́вно, и спаса́еши от глубины́,/ и от бу́ри избавля́еши страсте́й ду́ши наша́.

Лик: И ны́не, и прísно, и во ве́ки веко́в. Ами́нь.

Во Двою́ Естество́у и Ипоста́си Еди́ной был еси́/ и соверше́н Сый Чело́век./ Несме́шен о́браз или́ зрак не пострада́, Сло́ве, воплоща́йся, Го́споди.

Песнь 6

26 февраля. Четверг 1-й недели Великого поста. Прп. Мартини́ан Кесарийский

Лик: Стих, на 4: Храня́щии сѹетная и лѹжная мѣлость своѹ
оста́виша.

Кано́н преподо́бнаго Мартини́ана. Глас 2. На 4.

Си́лою Бо́жиею укре́плъ твоѹ ду́шу, прехва́льне,/ не ужа́слся еси́, наде́-
ждею огражда́емь, непрепла́ваему глубинѹ му́дре, преи́ти,/ но спасе́ся,
дельфи́нми носѣм.

Лик: Стих: Аз же со гласом хвалѣния и исповѣдания пожру́
Тебе́: елика обеща́х, воздам Тебе́ во спасѣние моѣ,
Го́сподеви.

Жити́е твоѣ А́нгелы и́стинно удивѣ, де́моны посра́ми и челове́ки просве-
ти́,/ и женѹ па́че спасл еси́,/ и на стезю́ пощѣния привлѣкл еси́.

Лик: Сла́ва Отцу́, и Сы́ну, и Свято́му Ду́ху.

Подѹбие твоѣм трудо́м и честны́м подвиго́м, му́дре,/ твоѣ преи́тие по до-
стоя́нию и́стинно бысть,/ и взят на враги́ целому́дря побѣду́,/ воздер-
жа́нием зми́я убѣв.

Лик: И ны́не, и прѣсно, и во ве́ки веко́в. Ами́нь.

Зако́ны о Тебе́ изнемо́гоша вои́стинну естества́, Де́во Чи́стая,/ де́вствуеши
бо, ро́ждши сопресто́льна Отцу́ и Боже́ственному Ду́ху/ Сло́во сѹща, Бо́га
же и Челове́ка.

Катавасия

Ирмос, глас 2: Ко Го́споду от кѣта Ио́на возопѣ:/ Ты мя
возведѣ́ из глубины́ а́да, молю́ся,/ да я́ко Изба́вителю во
гласе хвалѣния// и́стины же ду́хом пожру́ Тебе́.

Малая ектения

Диакон: Па́ки и па́ки ми́ром Го́споду помѹлимся.

Лик: Го́споди, помѣлуй.

Диакон: Заступѣ́, спасѣ́, помѣлуй и сохрани́ нас, Бо́же, Твоѣю́ благода́тию.

Лик: Го́споди, помѣлуй.

26 февраля. Четверг 1-й недели Великого поста. Прп. Мартини́ан Кесарийский

Диакон: Пресвяту́ю, Пречи́стую, Преблагословенную, Сла́вную Влады́чицу нашу Богоро́дицу и Присноде́ву Мари́ю, со все́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу предади́м.

Лик: Тебе́, Го́споди.

Священник: Ты бо еси́ Царь ми́ра, и Спас душ на́ших, и Тебе́ сла́ву возсыла́ем, Отцу́, и Сы́ну, и Свято́му Ду́ху, ны́не и прісно, и во ве́ки веко́в.

Лик: Амíнь.

Кондак

Кондак прп. Мартини́ана Кесарийскаго, глас 2

Яко подви́жника благоче́стия иску́сна,/ и страда́льца произво́лением честна́го,/ и пусты́ни жи́теля и все́льника,/ в пёснях досто́йно восхва́лим Мартини́ана присночестна́го:/ той бо зми́я попра́.

Икос: От коне́ц да́же до коне́ц про́йде веща́ние кра́сных добродете́лей/ и Божественных по́двиг твои́х:/ млад сый во́зрастом, в пусты́нях возжелáл еси́ пожíti,/ пёния Христу́, псалмы́ и моли́твы воспу́щая прісно;/ день же и ночь возраста́я в болезнех и слеза́х, чи́сте жити́е твоё сконча́л еси́/ и, му́дре, злонача́льнаго посрамíл еси́,/ ты бо зми́я попра́л еси́.

Песнь 7

Канон преподо́бнаго Мартини́ана. Глас 2. На 5.

Ирмос, глас 2: Образу злато́му, на по́ле Де́йре служи́му,/ три́е Твои́ о́троцы небрего́ша безбо́жнаго велёния,/ посредё же огня́ вве́ржени, ороша́еми, пояху:// благословён еси́, Бо́же о́тец на́ших.

Лик: Стих, на 4: Благословён еси́ на престóле сла́вы Ца́рствия Твоего́, препе́тый и превозноси́мый во ве́ки.

Вёчнаго жити́я уста́вь себе́,/ мона́шествуй, бега́й кре́пко, гра́ды вся и страны́ обходи́,/ яко досто́йно,/ Мартини́ан бо учи́т без печáли пёти:/ благословён Бог о́тец на́ших.

Лик: Стих: Благословён еси́ на твёрди Небе́сней, препе́тый и превозноси́мый во ве́ки.

26 февраля. Четверг 1-й недели Великого поста. Прп. Мартини́ан Кесарийский

Твёрдым хождéнием Пáвлову был еси́, му́дре, шéствию о́браз,/ любóвию гоня́, егóже пости́гл еси́ воздержáния течéнием твои́м,/ тёмже и, я́ко странен мíра, позна́лся еси́, прехва́льне, Царю́ Небéсному/ и просла́вился еси́ вёрно.

Лик: Сла́ва Отцу́, и Сы́ну, и Свято́му Ду́ху.

Течéние скончава́я пощёния твоего́,/ учени́к Христóв,/ Ду́хом Божéственным проувéдев отшэствие е́же от тéла,/ пояше ду́шею несомнённою:/ я́ко в ру́це Твои́, Влады́ко, дух мой и ду́шу мою́ ны́не предаю́.

Лик: И ны́не, и прíсно, и во вéки веко́в. Ами́нь.

Бо́ду жи́ву пода́я, от исто́чника Христóс источи́,/ в Твою́ святу́ю, Пресла́вная, утробу́ всели́ся, пребы́в неслия́нен,/ всех нетлéния напо́ив, вéрою зову́щих:/ благословéна еси́, Бо́га плóтию рóждши.

Песнь 8

Лик: Стих: Благословите, вся дела́ Господня, Гóспода, пойте и превозносите Егó во вéки.

Лик: Стих: Благословите, А́нгели Господни, Небеса́ Господня, Гóспода, пойте и превозносите Егó во вéки.

Лик: Стих: Благословите, воды́ вся, я́же превы́ше Небéс, вся сiлы́ Господни, Гóспода, пойте и превозносите Егó во вéки.

Лик: Стих: Благословите, со́лнце и мéсяц, звéзды небéсныя Гóспода, пойте и превозносите Егó во вéки.

Лик: Стих: Благословите, всяк дождь и росá, вси ду́си, Гóспода, пойте и превозносите Егó во вéки.

Лик: Стих, на 14: Благословите, огонь и вар, студ и зной, Гóспода, пойте и превозносите Егó во вéки.

Канóн преподóбнаго Мартини́ана. Глас 2. На 6.

26 февраля. Четверг 1-й недели Великого поста. Прп. Мартини́ан Кесарийский

Ирмос, глас 2: В пещь о́гненную ко отроко́м еврейским
снизше́дшаго/ и пла́мень в ро́су прело́жшаго Бо́га,/ по́йте
дела́, я́ко Го́спода,// и превозно́сите во вся ве́ки.

Лик: Стих: Благослови́те, ро́сы и и́ней, ле́ди и мраз,
Го́спода, по́йте и превозно́сите Егó во ве́ки.

Совле́кшися чу́вственне плотскія́ немощны́я рíзы/ и му́жества взéмши
оде́жду и ра́зум,/ отрокови́ца вопи́яше, постя́щися:/ Тя превозноша́ю,
Иисúсе, во ве́ки вся.

Лик: Стих: Благослови́те, слáны и снэ́зи, но́щи и днiе,
Го́спода, по́йте и превозно́сите Егó во ве́ки.

Совле́кшися чу́вственне плотскія́ немощны́я рíзы/ и му́жества взéмши
оде́жду и ра́зум,/ отрокови́ца вопи́яше, постя́щися:/ Тя превозноша́ю,
Иисúсе, во ве́ки вся.

Лик: Стих: Благослови́те, свет и тьма, мо́лния и о́блацы,
Го́спода, по́йте и превозно́сите Егó во ве́ки.

Ра́дуется усéрдно, вои́стинну на ка́мени Христо́ве утвержде́на/ и постóм и
ве́рою воору́жившися крéпко, отрокови́ца вопи́яше в пéснях:/ Тя превоз-
ноша́ю, Иисúсе, во ве́ки.

Лик: Стих: Благослови́те, земля́, го́ры и хо́лми и вся,
прозяба́ющая на ней, Го́спода, по́йте и превозно́сите Егó во
ве́ки.

Я́ко прело́жен от тлénных и вы́шняго нетлénия причáстник быв, Богоно́-
се,/ и Божéственное течéние сконча́в, венéц приéм, вопи́ял еси́:/ Тя пре-
возноша́ю, Иисúсе, во ве́ки.

Лик: Стих: Благослови́те, исто́чницы, моря́ и ре́ки, кiти и
вся, двiжу́щаяся в вода́х, Го́спода, по́йте и превозно́сите
Егó во ве́ки.

26 февраля. Четверг 1-й недели Великого поста. Прп. Мартина́н Кесарийский

Сше́дый с Небесе́ за милосе́рдие, Ще́дре, Бо́же всяческих,/ и ро́ждься от Де́вы, спаси́ пою́щия:/ по́йте, вся дела́, Го́спода и превозно́сите Его́ во ве́ки.

Лик: Стих, на 8: Благослови́те, вся пти́цы небесны́я, зве́рие и вси скоти́, Го́спода, по́йте и превозно́сите Его́ во ве́ки.

Трипéснец в четве́рг 1-й седми́цы ВП. Глас 2. На 4.

Посты́мся от вся́кия сла́сти, утучня́юще чу́ства постом, и умиле́ния пити́е тёпле пи́ем, пою́ще: благослови́те дела́ Господня́, Го́спода.

Лик: Стих: Благослови́те, сы́нове челове́чести, да благослови́т Изра́иль Го́спода, по́йте и превозно́сите Его́ во ве́ки.

Стоя́ния одесну́ю о́бщника мя бы́ти моли́теся, егда́ сядете суди́ти чело́веком со Хри́стом, апо́столи, мно́гим грехом и суду́ повиннаго.

Лик: Стих: Благослови́те, священни́цы Господни́, раби́ Господни́, Го́спода, по́йте и превозно́сите Его́ во ве́ки.

На колесни́цу божественных добродете́лей, постом очи́стившеся взы́дем, и на возду́шную высоту́ ум впе́рим, пою́ще: благослови́те дела́ Господня́, Го́спода.

Лик: Стих: Благослови́те, ду́си и ду́ши пра́ведных, преподо́бнии и смире́ннии се́рдцем, Го́спода, по́йте и превозно́сите Его́ во ве́ки.

Пребыла́ еси́ неопали́ма огонь ро́ждши Божества́, Де́во: но попали́ стра́сти душ, ве́рою пою́щих Ти глас А́нгелов, ра́дости еди́на Ходата́ице.

Лик: Стих, на 4: Благослови́те, Ана́ния, Аза́рия, Мисаи́л, Го́спода, по́йте и превозно́сите Его́ во ве́ки.

Ин трипéснец в четве́рг 1-й седми́цы ВП. Глас 5. На 4.

Ду́ха трубы́ Хри́стовы учени́ки воспева́юще, вопи́ем: благослови́те дела́ Господня́, Го́спода.

26 февраля. Четверг 1-й недели Великого поста. Прп. Мартини́ан Кесарийский

Лик: Стих: Благословíte, апóстоли, прорóцы и мýченицы Госпóдни, Гóспода, пойте и превозносите Егó во вéки.

Яко моли́твенники мíра, и прéлести прогонíteли, ученикí поим Христóвы: благословíte, вопию́ще, дела́ Госпóдня, Гóспода.

Лик: Стих: Благословím Отца́, и Сы́на, и Свята́го Дýха, Гóспода.

Трóицу Всесвятýю, во Отце́ и Сы́не и Дýсе, воспева́юще поём: благословíte дела́ Госпóдня, Гóспода.

Лик: И ны́не, и прíсно, и во вéки веко́в. Амíнь.

Неизглаго́ланное Твоé Рождество́ вси поём челове́цы, благочéстно зыва́юще, Чистая: благословíte дела́ Госпóдня, Гóспода.

Лик: Сла́ва Тебе́, Бо́же наш, сла́ва Тебе́.

Апóстоли, моли́тесь, в мíре нам очистíteльные дни сконча́ти: благословíte, вопию́щим, дела́ Госпóдня, Гóспода.

Лик: Хва́лим, благословím, покланя́емся Гóсподеви, пою́ще и превознося́ще во вся вéки.

Катавасия

Ирмос, глас 5: Преподо́бнии Твои́ о́троцы,/ в пещи́, Христé, воспева́юще глаго́лаху:// благословíte вся дела́ Госпóдня, Гóспода.

Диакон: Богорóдицу и Матéрь Свéта в пéснях возвели́чим.

Песнь Пресвятыя Богородицы

Лик: Вели́чит душа́ Моя́ Гóспода, и возра́довася дух Мой о Бо́зе Спа́се Моём.

Припев: Честне́йшую Херувím и сла́внейшую без сравне́ния Серафíм, без ислéния Бо́га Сло́ва ро́ждшую, сýщую Богорóдицу, Тя велича́ем.

26 февраля. Четверг 1-й недели Великого поста. Прп. Мартини́ан Кесарийский

**Яко призре́ на смире́ние Рабы́ Своея́, се бо от ны́не ублажа́т
Мя вси ро́ди.**

Припев: Честне́йшую Херув́им и сла́внейшую без сравне́ния Сераф́им,
без ислéния Бо́га Сло́ва ро́ждшую, су́щую Богоро́дицу, Тя велича́ем.

**Яко сотвори́ Мне вели́чие Си́льный, и свято́ и́мя Его́, и
ми́лость Его́ в ро́ды родо́в боя́щимся Его́.**

Припев: Честне́йшую Херув́им и сла́внейшую без сравне́ния Сераф́им,
без ислéния Бо́га Сло́ва ро́ждшую, су́щую Богоро́дицу, Тя велича́ем.

**Сотвори́ держа́ву мы́шцею Сво́ею, расточи́ го́рдья мы́слию
се́рдца их.**

Припев: Честне́йшую Херув́им и сла́внейшую без сравне́ния Сераф́им,
без ислéния Бо́га Сло́ва ро́ждшую, су́щую Богоро́дицу, Тя велича́ем.

**Низложи́ си́льные со престо́л, и вознесе́ смире́нные; а́лчу-
щия испо́лни благ, и богатя́щиеся отпусти́ тщи.**

Припев: Честне́йшую Херув́им и сла́внейшую без сравне́ния Сераф́им,
без ислéния Бо́га Сло́ва ро́ждшую, су́щую Богоро́дицу, Тя велича́ем.

**Восприя́т Изра́иля о́трока Своего́, помяну́ти ми́лости, я́коже
глаго́ла ко отце́м на́шим, Авра́аму и се́мени его́ да́же до
ве́ка.**

Припев: Честне́йшую Херув́им и сла́внейшую без сравне́ния Сераф́им,
без ислéния Бо́га Сло́ва ро́ждшую, су́щую Богоро́дицу, Тя велича́ем.

Песнь 9

Кано́н преподо́бнаго Мартини́ана. Глас 2. На 6.

Ирмос, глас 2: Чтó о Тебе́ ве́лия и пресла́вная та́йна,
Ада́мова дщи и Вы́шняго Ма́ти,/ Еди́ный к Бо́гу
небла́зненный ве́рных мост?// Тя немóлчными пёсньми,
ве́рнии, Богоро́дицу велича́ем.

26 февраля. Четверг 1-й недели Великого поста. Прп. Мартини́ан Кесарийский

Лик: Стих: Благословѣн Господь, Бог Израилев, яко посетити и сотвори избавление людем Своим.

Законы превозшед, отче, пощения,/ просиял еси, в воздержании всяцем и молитве бдя,/ постом же, вкупе и чистотою, и говением./ Темже твой Венчатель при кончине страданий ты проповедует – Христос.

Лик: Стих: И воздвиге рог спасения нам в дому Давидове, отрока Своего.

Законы превозшед, отче, пощения,/ просиял еси, в воздержании всяцем и молитве бдя,/ постом же, вкупе и чистотою, и говением./ Темже твой Венчатель при кончине страданий ты проповедует – Христос.

Лик: Стих: Якоже глагола усты святых, сущих от века пророк Его.

Достоин Богу явился, яко добре подвиглся еси,/ всяко бо бремя отверг,/ легко преплыл еси, отче, великую и тяжкую жития сего пучину/ и пришел еси в пристанище тихо, прешед твоё течение, мудро.

Лик: Стих: Спасение от враг наших, и из руки всех ненавидящих нас.

Достоин Богу явился, яко добре подвиглся еси,/ всяко бо бремя отверг,/ легко преплыл еси, отче, великую и тяжкую жития сего пучину/ и пришел еси в пристанище тихо, прешед твоё течение, мудро.

Лик: Стих: Сотворити милость со отцы нашими и помянути Завет Святой Свой.

Ты еси истинно, Еди́на Богородице Приснодево,/ христи́ан направлѣние, грѣшников Предстательница,/ из Тебе́ бо благочестно возсия́ избавление./ С Нимже Тебе́ по долгу в вере песнь скончаваю.

Лик: Стих, на 8: Клятву, еюже клятса ко Аврааму, отцу нашему, дати нам без страха, из руки враг наших избавльшимся.

Трипѣснец в четвѣрг 1-й седмицы ВП. Глас 2. На 4.

26 февраля. Четверг 1-й недели Великого поста. Прп. Мартини́ан Кесарийский

Отвёржен в глубо́кую пучи́ну сласте́й, Твоего́ благоутро́бия бездну при-
зыва́ю: Ко́рмчий, спаси́ мя.

Лик: Стих: Служи́ти Ему́ преподо́бием и пра́вдою пред Ним
вся дни живото́а на́шего.

Благоутро́бия исто́чнице, даждь ми ны́не умиле́ние, воздыхание, я́ко да
воспла́чу злых мои́х безме́рная моря́.

Лик: Стих: И ты, отроча́, проро́к Вы́шняго нарече́шися,
преды́деши бо пред лице́м Госпо́дним угото́вати пути́ Его́.

Ученико́в Твои́х, Иису́се, честны́ми молéнии, честно́му даждь ми Воскре-
се́нию поклони́тся, и Божéственным Твои́м Страсте́м.

Лик: Стих: Да́ти ра́зум спасéния лю́дем его́, во оставле́ние
грех их, милосéрдия ра́ди ми́лости Бо́га на́шего.

Онебеси́вшая на́ше земно́е смешéние, в Тебе́, Всенепоро́чная, Бо́жиим
вселéнием, изба́ви вся от бед.

Лик: Стих, на 4: В ни́хже посети́ нас Восто́к с высоты́,
яви́тся во тьме и сéни сме́ртней се́дящим.

Ин трипéснец в четвéрг 1-й седми́цы ВП. Глас 5. На 4.

Из исто́чников проро́чески Спа́совых, почéрпше апо́столи во́ду безсме́р-
тия, жа́ждущия преда́ниями жи́зни напая́ют всегда́.

Лик: Стих: Напра́вити но́ги на́ша на пу́ть ми́рен.

Царя́ Небе́снаго я́вльшеся князи апо́столи, повинúсте вселéнную всю,
Сего́ еди́наго че́сти, поклоня́тися, и славосло́вити я́ко Бо́га.

Лик: Сла́ва Отцу́, и Сы́ну, и Свято́му Ду́ху.

Тро́ице Неразде́льная, Еди́нице Вседéтельная и Всеси́льная, О́тче, Сы́не
и Святы́й Ду́ше: Ты Бог мой, Го́сподь и Свет, и Тебе́ воспева́я поклоня́ю-
ся.

Лик: И ны́не, и присно, и во ве́ки веко́в. Ами́нь.

Тя, Ма́ти и Де́во Чистая, ублажа́ем роди́ родо́в, я́ко была́ еси́ очисти́лице
ми́ра, Спа́са и Содéтеля неизглаго́ланно ро́ждши.

Лик: Сла́ва Тебе́, Бо́же наш, сла́ва Тебе́.

26 февраля. Четверг 1-й недели Великого поста. Прп. Мартини́ан Кесарийский

Апóстольский лі́че, воспева́ющая тя, спасáй: и сподóби во умилéнии сéрдца, дни вся прейтí светотвóрных постóв.

Катавасия

Ирмос, глас 5: Велича́ем, Христé, Твою́ Всенепорóчную Мáтерь Чíстую:/ я́ко роди́ Тя преестéственно плóтию,/ от вся́кия лéсти и тли нас избавля́ющая.

Досто́йно есть...

Досто́йно есть я́ко во́истинну блаж́ити Тя, Богорóдицу,/ Присноблажéнную и Пренепорóчную и Мáтерь Бóга нашего./ Честнéйшую Херув́им и слáвнейшую без сравнéния Сераф́им,/ без ислéния Бóга Сло́ва рóждшую, сúщую Богорóдицу Тя велича́ем.

Малая ектения

Диакон: Па́ки и па́ки міром Гóсподу помóлимся.

Лик: Гóсподи, помíлуй.

Диакон: Заступí, спасí, помíлуй и сохрани́ нас, Бóже, Твоею́ благодáтию.

Лик: Гóсподи, помíлуй.

Диакон: Пресвятúю, Пречíстую, Преблагословéнную, Слáвную Влады́чицу нашу Богорóдицу и Присноде́ву Мари́ю, со все́ми святы́ми помяну́вше, са́ми себе́ и друг дру́га, и весь живóт наш Христú Бóгу преда́дим.

Лик: Тебе́, Гóсподи.

Священник: Я́ко Тя хва́лят вся Сíлы Небе́сныя, и Тебе́ сла́ву возсыла́ем, Отцú, и Сы́ну, и Свято́му Дúху, ны́не и прíсно, и во ве́ки веко́в.

Лик: Ами́нь.

Светильны

Чтец: Свет возсия́й міру Твоему́, / во тьме дúшу мою́ сúщую от вся́каго грехá очíсти,

26 февраля. Четверг 1-й недели Великого поста. Прп. Мартини́ан Кесарийский

Лик: моли́твами, Го́споди, Апóстол Твои́х и святите́ля Нико́лая, и спаси́ мя.

Чтец: Сла́ва Отцу́, и Сы́ну, и Свято́му Ду́ху. Свет возсия́й ми́ру Твоему́, / во тьме ду́шу мою́ су́щую от всякаго греха́ очисти,

Лик: моли́твами, Го́споди, святы́х Твои́х, и спаси́ мя.

Чтец: И ны́не, и при́сно, и во ве́ки веко́в. Ами́нь. Свет возсия́й ми́ру Твоему́, / во тьме ду́шу мою́ су́щую от всякаго греха́ очисти,

Лик: моли́твами, Го́споди, Богоро́дицы, и спаси́ мя.

Хвалитны

Псалом 148

Чтец: Хвалите Го́спода с Небе́с. Тебе́ подоба́ет песнь Бо́гу. Хвалите Го́спода с Небе́с, хвалите Его́ в вы́шних. Тебе́ подоба́ет песнь Бо́гу. Хвалите Его́, вси Ангели Его́, хвалите Его́, вся Си́лы Его́. Тебе́ подоба́ет песнь Бо́гу. Хвалите Его́, со́лнце и луна́, хвалите Его́, вся звёзды и свет. Хвалите Его́, небеса́ небес, и вода́, яже превы́ше небес, да восхва́лят и́мя Господне. Яко Той рече́, и бы́ша, Той повеле́, и созда́шася. Поста́ви я в век и в век ве́ка, повеле́ние положи́, и не мимо́ идет. Хвалите Го́спода от земли́, змие́ве и вся бе́здны, огонь, град, снег, го́лоть, дух бу́рен, творя́щая сло́во Его́, го́ры и вси хо́лми, древа́ плодоно́сна и вси ке́дри, зве́рие и вси ско́ти, га́ди и пти́цы перна́ты, ца́рие зёмстии и вси лю́дие, кня́зи и вси судии́ зёмстии, юноши́ и де́вы, ста́рцы с ю́нотами да восхва́лят и́мя Господне, я́ко вознесе́ся и́мя Того́ Еди́наго. Испове́дание Его́ на земли́ и на Небеси́, и вознесёт рог люде́й Свои́х. Песнь всем преподо́бным Его́, сыновом́ Изра́иловым, лю́дем, приближа́ющимся Ему́.

Псалом 149

Воспойте Госпо́деви песнь но́ву, хваление́ Его́ в це́ркви преподо́бных. Да возвеселится Изра́иль о сотво́ршем его́, и сы́нове Сио́ни возра́дуются о Царе́ своём. Да восхва́лят и́мя Его́ в ли́це, в тимпа́не и псалти́ри да пою́т Ему́. Яко благово́лит Господь в лю́дех Свои́х и вознесёт кро́ткия во спасе́ние. Восхва́лятся преподо́бнии во сла́ве и возра́дуются на ло́жах свои́х. Возноше́ния Бо́жия в гортани́ их, и мечи́ обою́ду остры́ в руках́ их: сотвори́ти отмще́ние во язы́цах, обличе́ния в лю́дех, связа́ти ца́ри их пу́ты, и сла́вныя их ручны́ми око́вы желе́зными.

На 6: Сотвори́ти в них суд на́писан, / сла́ва сия́ бу́дет всем преподо́бным Его́.

Псалом 150

Хвалите Бóга во святых Его, / хвалите Его во утвержении силы Его.

На 4: Хвалите Его на силах Его, / хвалите Его по множеству величества Его.

Хвалите Его во гласе трубнем, / хвалите Его во псалтири и гуслех.

Хвалите Его в тимпане и лице, / хвалите Его во струнах и органе.

Хвалите Его в кимвалех доброгласных, хвалите Его в кимвалех восклицания. / Всякое дыхание да хвалит Господа.

Слава Отцу, и Сыну, и Святому Духу, и ныне, и присно, и во веки веков. Аминь.

Тебе слава подобает, Господи Боже наш, и Тебе славу возсылаем, Отцу и Сыну и Святому Духу, ныне и присно, и во веки веков. Аминь.

Чтец: Слава Тебе, Показавшему нам свет.

Славословие вседневное

Слава в вышних Богу, и на земли мир, в человецех благоволение. Хвалим Тя, благословим Тя, кланяем Ти ся, славословим Тя, благодарим Тя, великия ради славы Твоея. Господи Царю Небесный, Боже Отче Вседержителю, Господи, Сыне Единородный, Иисусе Христе, и Святой Душе. Господи Боже, Агнче Божий, Сыне Отець, вземляй грех мира, помилуй нас; вземляй грехи мира, прими молитву нашу; седяй одесную Отца, помилуй нас. Яко Ты еси един Свят, Ты еси един Господь, Иисус Христос, в славу Бога Отца, Аминь.

На всяк день благословлю Тя и восхвалю имя Твое во веки и в век века.

Господи, Прибежище был еси нам в род и род. Аз рех: Господи, помилуй мя, исцели душу мою, яко согреших Тебе. Господи, к Тебе прибегах, научи мя творити волю Твою, яко Ты еси Бог мой; яко у Тебе источник живота, во свете Твоем узрим свет. Пробави милость Твою ведущим Тя.

Таже: Сподоби, Господи, в день сей без греха сохранитися нам. Благословен еси, Господи Боже отец наших, и хваально и прославлено имя Твое во веки. Аминь.

Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святой, просвети мя оправдании Твоими.

26 февраля. Четверг 1-й недели Великого поста. Прп. Мартини́ан Кесарийский

Го́споди, ми́лость Твоя́ во век, дел рукú Твоёю не прёзри. Тебе́ подоба́ет хвала́, Тебе́ подоба́ет пёние, Тебе́ сла́ва подоба́ет, Отцу́ и Сы́ну и Свято́му Ду́ху, ны́не и прёсно и во ве́ки веко́в. Ами́нь.

Ектения просительная

Диакон: Испóлним у́треннюю моли́тву на́шу Го́сподеви.

Лик: Го́споди, помíлуй.

Диакон: Заступи́, спаси́, помíлуй и сохрани́ нас, Бо́же, Твоёю благода́тию.

Лик: Го́споди, помíлуй.

Диакон: Дне всего́ соверше́нна, свята́, мирна́ и безгрёшна у Го́спода прóсим.

Лик: Подáй, Го́споди. *(на каждое прошение)*

Диакон: Пресвяту́ю, Пречистую, Преблагословенную, Сла́вную Влады́чицу на́шу Богородицу и Присноде́ву Мари́ю со все́ми святы́ми помяну́вше, са́ми себё и друг дру́га, и весь живóт наш Христу́ Бо́гу преда́дим.

Лик: Тебе́, Го́споди.

Священник: Яко́ Бог ми́лости и щедро́т и человеколю́бия еси́, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и прёсно и во ве́ки веко́в.

Лик: Ами́нь.

Священник: Мир всем.

Лик: И ду́хови твоёму́.

Диакон: Главы́ на́ша Го́сподеви приклóним.

Лик: Тебе́, Го́споди.

Священник: Твоё бо́ есть, е́же ми́ловати и спаса́ти ны, Бо́же наш, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и прёсно и во ве́ки веко́в.

Лик: Ами́нь.

Стихиры на стиховне

Четверток 1-й седмицы Великого поста на 3

Канонарх: Глас 3, Го́споди, мне грёшному положил еси́ покая́ние.

Го́споди, мне грёшному положил еси́ покая́ние,/ мене́ недо-
сто́йнаго спасти́ хотя́ безме́рною ми́лостью Твоёю./ К Тебе́

26 февраля. Четверг 1-й недели Великого поста. Прп. Мартини́ан Кесарийский

припадаю моляся:/ постом́ дýшу мою́ приклонí,// яко к Тебé
прибегóх еди́ному Многомíлостивому.

Стих: Испóлнимомся заўтра мíлости Твоея́ Гóсподи, и возра́довахомся,
и возвеселíхомся, во вся́ днí на́ша возвеселíхомся, за днí, в ня́же сми-
рил ны́ еси́, лёта, в ня́же вíдехом злáя. И прiзри на рабы́ Твоя́, и на дела́
Твоя́. /

и наста́ви сы́ны их.

Гóсподи, мне грéшному положил еси́ покая́ние,/ мене́ недо-
сто́йнаго спасти́ хотя́ безмёрною мíлостию Твоею́./ К Тебé
припадаю моляся:/ постом́ дýшу мою́ приклонí,// яко к Тебé
прибегóх еди́ному Многомíлостивому.

Стих: И бýди свéтлость Гóспода Бóга на́шего на нас, и дела́ рýк на́ших
испра́ви на нас. /

и де́ло рýк на́ших испра́ви.

Яко свети́ла в мiре сия́ете и по смёрти, святiи мýченицы,/
пóдвигом дóбрым подвiгшеся,/ имýще дерзнове́ние, Христа́
моли́те,// поми́ловатися душáм на́шим.

Слава и ныне, глас 3. Сла́ва Отцý, и Сы́ну, и Свято́му Дýху.

И ны́не, и прiсно, и во ве́ки веко́в. Ами́нь.

Богорóдице, Предста́тельница всех моля́щихся Тебé,/ То-
бо́ю дерза́ем, и Тобо́ю хва́лимся,/ и к Тебé все упова́ние
на́ше есть,// моли́ Ро́ждшагося из Тебé за непотрéбныя рабы́
Твоя́.

Чтец: Благо́ есть испове́даться Гóсподеви, и пéти Имени Твоемý, Вы́ш-
ний: возвещáти заўтра мíлость Твою́, и íстину Твою́ на вся́ку но́щь. (**Два-
жды**).

Святýй Бóже, Святýй Кре́пкий, Святýй Безсмёртный, поми́луй нас (**три-
жды**).

26 февраля. Четверг 1-й недели Великого поста. Прп. Мартини́ан Кесарийский

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

Пресвята́я Трѳице, поми́луй нас; Го́споди, очисти грехи́ на́ша; Влады́ко, прости́ беззако́ния на́ша; Святы́й, посети́ и исцели́ немо́щи на́ша, и́мене Твоего́ ра́ди.

Го́споди, поми́луй *(трижды)*.

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в. Ами́нь.

Отче наш, Иже еси́ на Небесе́х! Да святѳтся и́мя Твое́, да приѳдет Ца́рствие Твое́, да бу́дет во́ля Твоя́, я́ко на Небеси́, и на землі. Хлеб наш насу́щный даждь нам днесь; и оста́ви нам до́лги на́ша, я́коже и мы оставля́ем должнико́м на́шим; и не введи́ нас во искуше́ние, но изба́ви нас от лука́ваго.

Священник: Я́ко Твое́ есть Ца́рство и си́ла, и сла́ва, Отца́, и Сы́на, и Свята́го Ду́ха, ны́не и прісно, и во ве́ки веко́в. Ами́нь.

Лик: Ами́нь.

Чтец: Ами́нь. В хра́ме стоя́ще сла́вы Твоея́, / на небеси́ стоя́ти мним, / Богоро́дице, дверь небесе́ная, / отве́рзи нам двѳри ми́лости Твоея́.

Чтец: Го́споди поми́луй *(40 раз)*.

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в. Ами́нь.

Честне́йшую Херувѳм и сла́внейшую без сравне́ния Серафѳм, без ислѳнения Бо́га Сло́ва ро́ждшую, су́щую Богоро́дицу, Тя велича́ем.

И́менем Госпо́дним благослови́, о́тче.

Священник: Сый благослове́н Христо́с Бог наш, всегда́, ны́не и прісно, и во ве́ки веко́в.

Чтец: Ами́нь. Небесе́ный Царю́, ве́ру утверди́, язы́ки укроти́, мир умири́, святы́й храм сей до́бре сохрани́: пре́жде отше́дшыя отцы́ и бра́тию на́шу в селе́ниях пра́ведных учини́, и нас в пока́янии и испове́дании приими́, я́ко Благо́й и Человеколю́бец.

Молитва Еврема Сирина

Посем поклоны великия три, глаголюще в них на коемждо поклоне молитву преподобнаго Ефрема:

Го́споди и Влады́ко животá моего́, дух пра́здности, уны́ния, любонача́лия, и пра́здносло́вия не даждь ми *(Поклон)*.

26 февраля. Четверг 1-й недели Великого поста. Прп. Мартини́ан Кесарийский

Дух же целомудрия, смиренномудрия, терпѣния, и любвѣ, даруй ми рабу́ Твоему́ *(Поклон)*.

Ей, Гóсподи Царю́, даруй ми зрѣти моя́ прегрѣшѣния, и не осуждати брата́ моего́, яко благословѣн еси́ во вѣки веко́в, амѣнь *(Поклон)*.

Также 12 малых поклонов с молитвой: Бóже, очисти мя, грѣшнаго.

И снова всю молитву:

Гóсподи и Влады́ко животá моего́, дух прáздности, унѣния, любоначáлия, и прáзднослóвия не даждь ми. Дух же целомудрия, смиренномудрия, терпѣния, и любвѣ, даруй ми рабу́ Твоему́. Ей, Гóсподи Царю́, даруй ми зрѣти моя́ прегрѣшѣния, и не осуждати брата́ моего́, яко благословѣн еси́ во вѣки веко́в *(и один великий поклон)*.

Чтец: Амѣнь.

1-й час

Чтец: Приидѣте, поклонѣмся Царѣви нашему́ Бóгу.

Приидѣте, поклонѣмся и припадѣм Христу́, Царѣви нашему́ Бóгу.

Приидѣте, поклонѣмся и припадѣм Самому́ Христу́, Царѣви и Бóгу нашему́.

Псалом 5

Глаго́лы моя́ внуши́, Гóсподи, разумѣй звáние мое́. Вонми́ гласу́ молѣния моего́, Царю́ мой и Бóже мой, яко к Тебѣ помолю́ся, Гóсподи. Зау́тра услы́ши глас мой, зау́тра предстану́ Ти, и ўзриши мя. Яко Бог не хотѣй беззакóнныя, Ты еси́: не приселѣтся к Тебѣ лука́внуяй, ниже́ пребу́дут беззакóнницы пред очѣма Твоѣма: возненавѣдел еси́ вся дѣлающыя беззакóние. Погуби́ши вся глаго́лющыя лжу: мѹжа кровѣй и льстѣива гнуша́ется Господь. Аз же мно́жеством мѣлости Твоея́, вни́ду в дом Твой, поклоню́ся ко хра́му свято́му Твоему́, в стра́се Твоем. Гóсподи, наста́ви мя правдою Твоею́, враг моѣх ра́ди исправи́ пред Тобóю путь мой. Яко несть во устѣх их ѣстины, сѣрдце их сѹетно, гроб отвѣрст гортáнь их: язы́ки своѣми льща́ху. Судѣ им, Бóже, да отпадѹт от мѣслей своѣх, по мно́жеству нечѣстия их изри́ни я́, яко преогорчи́ша Тя, Гóсподи. И да возвеселя́тся вси упова́ющии на Тя, во век возра́дуются, и вселѣшися в них, и похва́лятся о Тебѣ любя́щии ѣмя Твое́. Яко Ты благослови́ши праведника, Гóсподи: яко ору́жием благово́ления венча́л еси́ нас.

Псалом 89

Господи, прибежище был еси нам в род и род. Прежде даже горам не быти и создатися земли и вселенней, и от века и до века Ты еси. Не отрати человека во смирение, и рекл еси: обратитесь, сынове человечести. Яко тысяща лет пред очима Твоима, Господи, яко день вчерашний, иже мимоиде, и стража ночная. Уничужения их лета будут. Утро яко трава мимоидет, утро процветет и прейдет: на вечер отпадет ожестеет и исхнет. Яко исчезохом гневом Твоим, и яростию Твоею смутихомся. Положил еси беззакония наша пред Тобою: век наш в просвещение лица Твоего. Яко вси дние наши оскудеша, и гневом Твоим исчезохом, лета наша яко паучина поучахуся. Дние лет наших, в нихже седьдесят лет, аще же в силах, осьмьдесят лет, и множае их труд и болезнь: яко прииде кротость на ны, и накажемся. Кто вест державу гнева Твоего, и от страха Твоего, ярость Твою исчестит? Десницу Твою тако скажи ми, и окованныя сердцем в мудрости. Обратися, Господи, доколе? И умолен буди на рабы Твоя. Исполнихомся заутра милости Твоея, Господи, и возрадовахомся, и возвеселихомся, во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя, и настави сыны их. И буди светлость Господа Бога нашего на нас, и дела рук наших исправи на нас, и дело рук наших исправи.

Псалом 100

Милость и суд воспою Тебе, Господи. Пою и разумю в пути непорочне, когда приидеши ко мне? Прехождях в незлобии сердца моего посреде дому моего. Не предлагал пред очима моима вещь законопреступную: творящая преступление возненавидех. Не прильпе мне сердце строптиво, уклоняющагося от мене лукаваго не познах. Оклеветавшаго тай искренняго своего, сего изгонях: гордым оком, и несытым сердцем, с сим не ядях. Очи мои на верныя земли, посадати я со мною: ходяй по пути непорочну, сей ми служаше. Не живяше посреде дому моего творяй гордыню, глаголяй неправедная, не исправляше пред очима моима. Во утрия избивах вся грешныя земли, еже потребити от града Господня вся делающыя беззаконие.

Кафизма 9

Псалом 64

Тебе подобает песнь, Боже, в Сионе, и Тебе воздастся молитва во Иерусалиме. Услыши молитву мою, к Тебе всяка плоть приидет. Слова беззаконник премогаша нас, и нечестия наша Ты очистиши. Блажен, егже избрал еси и приял, вселится во дворех Твоих. Исполнимся во благих дому Твоего, свят храм Твой, дивен в правде. Услыши ны, Боже, Спасите-

лю наш, упование всех концев земли, и существ в мори далече, уготовляя горы крепостию Своею, препоясан силою, смущая глубину морскую, шуму волн его кто постоит? Смятутся языцы, и убоятся живущии в концах от знамений Твоих, исходы утра и вечера украсиши. Посетил еси землю и упоил еси ю, умножил еси обогатити ю. Река Божия наполнися вод. Уготовал еси пищу им, яко тако [есть] уготовление. Бразды ея упои, умножи жита ея, в каплях ея возвеселится возсияющи. Благословивши конец лета благодати Твоея, и поля Твоя исполнятся тука, разботеют красная пустыни, и радостию холми препояшутся. Одеваясь овни овчии, и долиа умножат пшеницу, воззовут, ибо воспоют.

Псалом 65

Рцыте Богу: коль страшна дела Твоя, во множестве силы Твоея солжут Тебе врази Твои. Вся земля да поклонится Тебе и поет Тебе, да поет же имени Твоему, Вышний. Приидите и видите дела Божия, коль страшен в советех паче сынов человеческих. Обращая море в сушу, в реку пройдут ногами, тамо возвеселимся о Нем, владычествующем силою Своею веком. Очи Его на языки призираете, преогорчевающи да не возносятся в себе. Благословите, языцы, Бога нашего и услышан сотворите глас хвалы Его, положшаго душу мою в живот и не давшего во смятение ног моих. Яко искусил ны еси, Боже, разжегл ны еси, якоже разжизается сребро. Ввел ны еси в сеть, положил еси скорби на хребте нашем. Возвел еси человеки на главы наша, проидохом сквозе огонь и воду, и извел еси ны в покой. Вниду в дом Твой со всесожжением, воздам Тебе молитвы моя, яже изрекосте устне мои, и глаголаша уста моя в скорби моей, всесожжения тучна вознесу Тебе с кадильном, и овны, вознесу Тебе воли с козлы. Приидите, услышите, и повею вам, вси боящиися Бога, елика сотвори души моей. К нему усты моими возвах и вознесох под языком моим. Неправду аще узрех в сердце моем, да не услышит мене Господь. Сего ради услыша мя Бог, внят гласу моления моего. Благословен Бог, иже не остави молитву мою и милость Свою от мене.

Псалом 66

Боже, ущедри ны и благослови ны, просвети лице Твое на ны и помилуй ны. Познати на земли путь Твой, во всех языцех спасение Твое. Да исповедятся Тебе людие, Боже, да исповедятся Тебе людие вси. Да возвеселятся и да возрадуются языцы, яко судиши людем правотою и языки на земли наставиши. Да исповедятся Тебе людие, Боже, да исповедятся Тебе людие вси. Земля даде плод свой, благослови ны, Боже, Боже наш, благослови ны, Боже, и да убоятся Его вси концы земли.

Чтец: Слава Отцу и Сыну и Святому Духу.

26 февраля. Четверг 1-й недели Великого поста. Прп. Мартини́ан Кесарийский

Лик: И ны́не и прѣсно, и во ве́ки веко́в. Ами́нь. Аллилу́иа, аллилу́иа, аллилу́иа, сла́ва Тебе́ Бо́же. **(Трижды)** Го́споди, поми́луй. **(Трижды)** Сла́ва Отцу́ и Сы́ну и Свято́му Ду́ху.

Чтец: И ны́не и прѣсно, и во ве́ки веко́в. Ами́нь.

Псалом 67

Да воскре́снет Бог, и расточа́тся врази́ Его́, и да бежа́т от лица́ Его́ ненави́дящи Его́. Я́ко исчеза́ет дым, да исче́знут, я́ко та́ет воск от лица́ огня́, та́ко да поги́бнут грѣшницы от лица́ Бо́жия, а пра́ведницы да возвеселя́тся, да возра́дуются пред Бо́гом, да насла́дятся в веселии. Воспо́йте Бо́гу, по́йте и́мени Его́, путе́сотвори́те возше́дшему на за́пады. Госпо́дь и́мя Ему́, и ра́дуйтесь пред Ним. Да смяту́тся от лица́ Его́, отца́ си́рых и судии́ вдови́ц: Бог в ме́сте святе́м Своём. Бог вселя́ет единомы́сленныя в дом, изводя́ окованныя му́жеством, та́кожде преогорчева́ющыя живу́щыя во гробѣх. Бо́же, внегда́ исходи́ти Тебе́ пред людьми́ Твоими́, внегда́ мимоходи́ти Тебе́ в пусты́ни, земля́ потрясе́ся, и́бо небеса́ кану́ша от лица́ Бо́га Сина́ина, от лица́ Бо́га Изра́илева. Дождь во́лен отлучи́ши, Бо́же, досто́янию Твоему́ и изнемо́же, Ты же соверши́л еси́ е. Животна́я Твоя́ живу́т на ней, угото́вал еси́ бла́гостию Твоею́ ни́щему, Бо́же. Госпо́дь даст глаго́л благовеству́ющим си́лою мно́гою. Царь Сил Возлю́бленнаго, красото́ю до́му раздели́ти коры́сти. А́ще поспите́ посреде́ предѣл, криле́ голуби́не посре́брене, и междора́мья ея́ в блещáнии злáта. Внегда́ разнствит Небе́сный ца́ри на ней, оснежа́тся в Селмо́не. Горá Бо́жия, горá тучна́я, горá усыре́нная, горá тучна́я. Вску́ю непщуете го́ры усыре́нныя? Горá, ю́же благово́ли Бог жи́ти в ней, и́бо Госпо́дь вселится́ до конца́. Колесни́ца Бо́жия тма́ми тем, ты́сяща гобзую́щих, Госпо́дь в них в Сина́и во святе́м. Возше́л еси́ на вы́соту, плени́л еси́ плен, прия́л еси́ да́яния в челове́цех, и́бо не покаря́ющыяся, е́же вселитися́. Госпо́дь Бог благослове́н, благо́словен Госпо́дь день дне, поспешит́ нам Бог спасе́ний на́ших. Бог наш, Бог е́же спаса́ти, и Госпо́дня, Госпо́дня исходи́ща сме́ртная. Оба́че Бог сокруши́т главы́ враго́в Свои́х, верх влас преходя́щих в прегреше́ниях свои́х. Рече́ Госпо́дь: от Васáна обра́щу, обра́щу во глуби́нах морски́х. Я́ко да омо́чится нога́ Твоя́ в кро́ви, язы́к пес твои́х, от враг от него́. Ви́дена бы́ша шѣствия Твоя́, Бо́же, шѣствия Бо́га моего́ Царя́, и́же во святе́м, предвари́ша кня́зи близ пою́щих, посреде́ дев тимпа́нниц. В це́рквах благослови́те Бо́га, Го́спода от исто́чник Изра́илевых. Та́мо Вениамин ю́нейший во у́жасе, кня́зи Иу́довы влады́ки их, кня́зи Завуло́ни, кня́зи Неффали́мли. Запове́ждь, Бо́же, си́лою Твоею́, укрепи́, Бо́же, си́е, е́же соде́лал еси́ в нас. От хра́ма Твоего́ во Иерусали́м Тебе́ принесу́т ца́рие

да́ры. Запрети́ зверём трóстным, сонм юне́ц в ю́ницах людскі́х, е́же за-
твори́ти искуше́нныя сребро́м, расточи́ язы́ки хотя́щыя бра́нем. Прии́дут
моли́твенницы от Египта, Ефио́пия предвари́т ру́ку свою́ к Бо́гу. Ца́рства
земна́я, по́йте Бо́гу, воспóйте Го́сподеви, возше́дшему на Не́бо небесе́ на
восто́ки, се даст гла́су Своему́ глас си́лы. Даді́те сла́ву Бо́гови, на Изра́и-
ли велеле́пота Егó, и си́ла Егó на о́блацех. Ді́вен Бог во святы́х Свои́х,
Бог Изра́илев: Той даст си́лу и держа́ву лю́дем Свои́м, благослове́н Бог.

Чтец: Сла́ва Отцу́ и Сы́ну и Свято́му Ду́ху.

Лик: И ны́не и прісно, и во ве́ки веко́в. Ами́нь. Аллилúа,
аллилúа, аллилúа, сла́ва Тебе́ Бо́же. *(Трижды)* Го́споди,
помілуй. *(Трижды)* Сла́ва Отцу́ и Сы́ну и Свято́му Ду́ху.

Чтец: И ны́не и прісно, и во ве́ки веко́в. Ами́нь.

Псалом 68

Спаси́, мя, Бо́же, я́ко внидо́ша во́ды до души́ моея́. Углебо́х в тимéнии глу-
бины́, и несть постоя́ния. Приидо́х во глубины́ морскія́, и бу́ря потопи́
мя. Утруді́хся зовы́й, измолче́ гортáнь мой, исчезóсте óчи мой, от е́же
упова́ти ми на Бо́га моего́. Умно́жишася па́че влас главы́ моея́ ненави́дя-
щи́и мя ту́не, укрепі́шася врази́ мой, изгоня́щи́и мя непра́ведно: я́же не
восхища́х, тогда́ воздаях. Бо́же, Ты уве́дел еси́ безуміе моё, и прегре-
ше́ния моя́ от Тебе́ не утайшася. Да не посты́дятся о́ мне терпя́щи́и Тебе́,
Го́споди, Го́споди Сил, ниже́ да посра́мятся о́ мне и́щущи́и Тебе́, Бо́же Из-
ра́илев. Я́ко Тебе́ ра́ди претерпе́х поноше́ние, покры́ срамота́ лице́ моё.
Чуждь бых бра́тии мое́й, и страна́ен сыновóм ма́тере моея́. Я́ко ре́вность
до́му Твоего́ снеде́ мя, и поноше́ния понося́щих Ти нападо́ша на мя. И по-
кры́х постóм ду́шу мою́, и бысть в поноше́ние мне, и положи́х одея́ние мо-
ё врётище, и бых им в прітчю. О́ мне глумля́хуся седя́щи́и во врата́х, и о́
мне пояху́ пию́щи́и вино́. Аз же моли́твою мое́ю к Тебе́, Бо́же, вре́мя
благоволе́ния, Бо́же, во мно́жестве ми́лости Твоея́ услы́ши мя, во и́стине
спасе́ния Твоего́. Спаси́ мя от брeния, да не угле́бну, да изба́влюся от не-
нави́дящих мя и от глубо́ких вод. Да не потопи́т мене́ бу́ря водна́я, ниже́
да пожре́т мене́ глубина́, ниже́ сведёт о́ мне ровeнник уст свои́х. Услы́ши
мя, Го́споди, я́ко блага́ ми́лость Твоя́, по мно́жеству щедро́т Твои́х при́зри
на мя. Не отврати́ лица́ Твоего́ от óтрока Твоего́, я́ко скорблю́, ско́ро
услы́ши мя. Вонми́ души́ мое́й, и изба́ви ю́, враг мои́х ра́ди изба́ви мя. Ты
бо ве́си поноше́ние моё и студ мой, и срамоту́ мою́: пред Тобо́ю вси
оскорбля́ющи́и мя. Поноше́ние ча́яше душа́ моя́, и страсть и ждах соскор-
бля́щаго, и не бе́, и утеша́ющих, и не обрето́х. И да́ша в снедь мою́ желчь, и

26 февраля. Четверг 1-й недели Великого поста. Прп. Мартини́ан Кесарийский

в жа́жду мою́ напои́ша мя о́цта. Да бу́дет трапéза их пред ни́ми в сеть, и в воздая́ние, и в собла́зн. Да помрача́тся о́чи их, е́же не ви́дети, и хребéт их вы́ну сляцы́. Пролéй на ня гнев Твой, и я́рость гнéва Твоего́ да пости́гнет их. Да бу́дет двор их пуст, и в жили́щах их да не бу́дет живы́й. Занé егóже Ты порази́л еси́, тии погна́ша, и к болéзни язв моих приложи́ша. Приложи́ беззакóние к беззакóнию их, и да не вни́дут в пра́вду Твою́. Да потребя́тся от кн́иги живы́х и с пра́ведными да не напи́шутся. Нищ и боля́й есмь аз: спасéние Твое́, Бо́же, да при́мет мя. Восхваля́ю и́мя Бо́га моего́ с пéснию, возвели́чу Егó во хвалéнии: и уго́дно бу́дет Бо́гу па́че тельца́ ю́на, ро́ги износя́ща и па́знокти. Да у́зрят ни́щии и возвеселя́тся: взыщи́те Бо́га, и жива́ будет душа́ ва́ша. Я́ко услы́ша убо́гия Госпо́дь и оковáнные Сво́я не уничи́жи. Да восхва́лят Егó небеса́ и земля́, мо́ре и вся живу́щая в нем. Я́ко Бог спасéт Си́она, и сози́ждутся гра́ди Иудéйстии, и вселя́тся та́мо, и насле́дят и́, и се́мя рабо́в Твои́х удержи́т и́, и лю́бящии и́мя Твое́ вселя́тся в нем.

Псалом 69

Бо́же, в по́мощь мою́ вонми́, Го́споди, помо́щи ми потщи́ся. Да постыдя́тся и посра́мятся и́щущии ду́шу мою́, да возвратя́тся вспя́ть и постыдя́тся хотя́щии ми зла́я. Да возвратя́тся а́бие стыдя́щеся глаго́лющии ми: бла́гоже, бла́гоже. Да возра́дуются и возвеселя́тся о Тебе́ вси и́щущии Тебе́, Бо́же, и да глаго́лют вы́ну, да возвели́чится Госпо́дь, лю́бящии спасéние Твое́: аз же нищ есмь и убо́г, Бо́же, помози́ ми: Помóщник мой и Изба́витель мой еси́ Ты, Го́споди, не зако́сны.

Сла́ва Отцу́ и Сы́ну и Свято́му Ду́ху, и ны́не и прísно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́ Бо́же. **(Трижды)**

Го́споди, помилуй. **(Трижды)**

Сла́ва Отцу́, и Сы́ну, и Свято́му Ду́ху.

Тропарь, глас 6

Священник: Зау́тра услы́ши глас мой, / Царю́ мой и Бо́же мой.

Лик: Зау́тра услы́ши глас мой, / Царю́ мой и Бо́же мой.
(Поклон)

Священник: *Стих 1:* Глаго́лы моя́ внуши́, Го́споди, разумéй зва́ние моé.

Лик: Зау́тра услы́ши глас мой, / Царю́ мой и Бо́же мой.
(Поклон)

26 февраля. Четверг 1-й недели Великого поста. Прп. Мартини́ан Кесарийский

Священник: *Стих 2:* Яко к Тебѣ помолюся, Господи.

Лик: Заутра услыши глас мой, / Царю мой и Боже мой.

(Поклон)

Священник: Слава Отцу и Сыну и Святому Духу,

Чтец: И ныне и присно и во веки веков. Аминь.

Богородичен: Что Тя наречем, о Благодатная? / Небо, яко возсияла еси Солнце Правды. / Рай, яко прозябла еси цвет нетления. / Деву, яко пребыла еси нетленна. / Чистую Матерь, яко имела еси на святых Твоих объятиях Сына, всех Бога. / Того моли спастися душам нашим.

Лик: Стопы моя направи по словеси Твоему// и да не обладает мною всякое беззаконие. **(Дважды)**

Избави мя от клеветы человеческия,// и сохраню заповеди Твоя. **(Дважды)**

Лице Твое просвети на раба Твоего// и научи мя оправданием Твоим. **(Дважды)**

Да исполнятся уста моя/ хваления Твоего, Господи,/ яко да воспою славу Твою,// весь день великолепие Твое. **(Трижды)**

Святый Боже, Святый Крепкий, Святый Безсмертный, помилуй нас. **(Трижды, с крестным знаменем и поясным поклоном)**

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. **(Трижды)**

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на небесах! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш на-

26 февраля. Четверг 1-й недели Великого поста. Прп. Мартини́ан Кесарийский

сущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство и сила, и слава Отца и Сына и Святаго Духа, и ныне и присно и во веки веков.

Чтец: Аминь.

Кондак

В понедельник убо и во вторник, и в четверток

Преславную Божию Матерь, и святых Ангел Святейшую, / немолчно воспойм сердцем и усты, / Богородицу сию исповедующе, / яко воистинну рождшую нам Бога воплощенна, / и молящуюся непрестанно о душах наших.

Господи, помилуй (40 раз).

Иже на всякое время и на всякий час, на Небеси и на земли, покланяемый и славимый, Христе Боже, Долготерпеливе, Многомилостиве, Многоблагоутробне, Иже праведныя любяи и грешныя милуяи, Иже вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаемы и наставляемы, достигнем в соединение веры и в разум неприступныя Твоея славы, яко благословен еси во веки веков, аминь.

Господи, помилуй, (Трижды).

Слава Отцу и Сыну и Святому Духу, и ныне и присно и во веки веков. Аминь.

Честнейшую Херувим / и славнейшую без сравнения Серафим, / без исленения Бога Слова рождшую, / сущую Богородицу, Тя величаем.

Именем Господним благослови, отче.

Священник: Боже, ущедри ны и благослови ны, просвети лице Твое на ны и помилуй ны.

Чтец: Аминь.

Молитва Ефрема Сирина

Господи и Владыко живота моего, дух праздности, уныния, любоначалия, и празднословия не даждь ми. (Поклон)

26 февраля. Четверг 1-й недели Великого поста. Прп. Мартини́ан Кесарийский

Дух же целомудрия, смиренномудрия, терпения, и любви, даруй ми рабу Твоему. *(Поклон)*

Ей, Господи Царю, даруй ми зрети моя прегрешения, и не осуждати брата моего, яко благословен еси во веки веков, аминь. *(Поклон)*

Таже малых 12, глаголюще на кийждо поклон: Бóже, очисти мя грешнаго.

И паки последи молитву всю:

Господи и Владыко живота моего, дух праздности, уныния, любоначалия, и празнословия не даждь ми. Дух же целомудрия, смиренномудрия, терпения, и любви, даруй ми рабу Твоему. Ей, Господи Царю, даруй ми зрети моя прегрешения, и не осуждати брата моего, яко благословен еси во веки веков.

И поклон един великий.

Чтец: Аминь. Святы́й Бóже, Святы́й Кре́пкий, Святы́й Безсме́ртный, помилуй нас. *(Трижды, с крестным знаменем и поясным поклоном.)*

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

Пресвята́я Тро́ице, помилуй нас; Господи, очисти грехи́ наша; Влады́ко, прости́ беззаконія наша; Святы́й, посети́ и исцели́ немо́щи наша, имене Твоего́ ра́ди.

Господи, помилуй. *(Трижды).*

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

О́тче наш, И́же еси́ на небесе́х! Да святі́тся імя Твое́, да приідет Ца́рствие Твое́, да бу́дет во́ля Твоя́, яко на небеси́ и на земли́. Хлеб наш насущный да́ждь нам днесь; и остави́ нам до́лги наша, якоже и мы оставля́ем должникомó нашим; и не введи́ нас во искуше́ние, но изба́ви нас от лука́ваго.

Священник: Яко Твое́ есть Ца́рство и сила и слава Отца́ и Сына́ и Святого́ Духа, ны́не и прісно и во ве́ки веко́в.

Чтец: Ами́нь.

Господи, помилуй. *(12 раз)*

Священник: Христе́, Све́те Исти́нный, просвеща́яй и освяща́яй всякаго челове́ка, грядущаго в мир, да зна́менается на нас свет лица́ Твоего́, да в нем у́зрим Свет Непристу́пный: и испра́ви стопы́ наша к де́ланию за́поведей Твои́х, моли́твами Пречи́стыя Твоея́ Ма́тере, и всех Твои́х святы́х, аминь.

26 февраля. Четверг 1-й недели Великого поста. Прп. Мартини́ан Кесарийский

Лик: Взбра́нной Воево́де победи́тельная, / я́ко изба́вльшеся от злых, / благода́рственная воспису́ем Ти раби́ Твои́, Бого-ро́дице, / но я́ко иму́щая держа́ву непобеди́мую, / от всяких нас бед свободи́, да зове́м Ти; // ра́дуйся, Невесто́ Неневесто́ная.

Священник: Сла́ва Тебе́, Христе́ Бо́же, упова́ние на́ше, сла́ва Тебе́.

Лик: Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в. Ами́нь. Го́споди, поми́луй, *(Трижды)*. Благо-сло́ви.

Отпуст

Христос Истинный Бог наш, моли́твами Пречи́стыя Своея́ Ма́тере, святы́х сла́вных и всехва́льных Апóстол, иже во святы́х отца́ на́шего Никола́я, архиепи́скопа Мир Лики́йских, Чудотворца́, прп. Мартини́ана Кесарийскаго, святы́х пра́ведных Богооте́ц Иоакима́ и А́нны, и всех святы́х, поми́луе́т и спасе́т нас, я́ко Благ и Человеколю́бец.

Многолетие

Лик: Вели́каго господи́на и отца́ на́шего Кири́лла, / Святе́йшаго Патри́арха Моско́вскаго и всея́ Ру́си, / богохрани́мую страну́ на́шу Росси́йскую, / настоя́теля, бра́тию и прихо́жан свята́го хра́ма сегó, / и вся правосла́вныя христи́аны, // Го́споди, сохрани́ их на мно́гая ле́та.